



東 南 題 中 之 一 要 人

# 國 南 週 報



林 豐 何 護 軍

中華郵務局掛號認爲立券新聞紙類

## 本 期 要 目

社評(兩則)

政 之

天 生

東南風雲實錄

記 者

江浙備戰中之經濟界

公 展

日本今後之對美策

冷 觀

俄國金融之政進之成績

記 者

十二年份新設公司一覽表

上海中國影片之調查

一 得

茲禧祕紀

清廷宮女口述  
馬二先生潤色

第一卷

第五期

民國十三年八月三十一日  
發行



# 災天之中禍人



廣西梧州水災奇重水沒大街之圖



天津大紅橋爲水沖塌橋頭陷落圖



# 災天之中禍人



象慘之地傾屋房後災水慶寶南湖



圖之舟行衢通發暴水大州梧西廣



吳佩孚。號子玉。年五十二。山東蓬萊秀才。光緒二十四年畢業於開平武備學堂。隸聶士成部。旋入保定武備學堂。光復後。入北洋第三師充營長。自是乃隸曹錕部下。爲人剽悍善戰。征川之役。吳亦預焉。因爲曹所賞識。民國五年擢升至第六旅旅長。曹爲直督。吳繼第二師師長復辟之役充前敵總司令。六年北軍入湘。吳累戰捷。迨攻克衡州。以不得督。

## 名人錄



## 吳佩孚

繼直魯豫巡閱使。更力整軍備。謀貫徹武力政策。遣袁祖銘楊森等入川。孫傳芳入閩。十三年八月吳以浙江收容臧楊爲辭。促蘇皖贛閩攻浙。吳在洛陽操縱指揮。今日之東南問題。因是遂起。

停兵不進。力主議和。旋授孚威將軍。九年撤防回直。與曹共排皖系。七月四日。徐世昌下令褫曹吳軍職。直皖戰事既起。吳任直軍前敵總司令。戰勝。徐復爲撤銷處分。且授以直魯豫巡閱副使。吳自是乃力主武力統一政策。湘鄂軍起。北軍戰敗。吳親自南下。決金口江堤以灌南軍。得轉敗爲勝。因兼任兩湖巡閱使。是年援鄂川軍。東下宜昌。吳復擊走之。十一年奉直戰起。吳實主動。六月逐徐世昌。與曹共擁黎元洪復任總統。十二年授孚威上將軍。陰以軍實接濟陳炯明等以抗孫中山。六月復逐黎。曹得總統。吳



# 編 輯 者 言

△從本期起、附刊前期正誤表、希閱者注意、

△江浙戰事似已難免、本報紀載、一以慎重翔實為主、重在輯

存各項確實 告與重要文電為日後參攷之資、附刊詳圖

已備有多種、容分期揭載、惟閱者警之、

△九月七日為辛丑條約簽字紀念、恰為本報第六期出版之

日、已覓得種種軼聞秘事及八國聯軍入京圖畫多幅、當可

博閱者之歡迎、特先報告、尙希注意、

△本期輿論輯要內東南風雲實錄中已有輯載、故不另錄、

## 目 錄

社評(三則)

和平歟戰爭歟.....政之

北京公債風潮之教訓.....天生

東南風雲實錄.....記者

江浙備戰中之經濟界.....公展

日本今後之對美策.....冷觀

俄國財政金融改進之成績.....記者

一週間國內外大事記.....公展

北京宣佈之新憲評論.....吳南如

十二年新設公司一覽表.....記者

美國新移民法全文

慈禧秘紀.....清廷宮女口述  
馬二先生潤色

演劇術概論.....徐公美

上海中國影片之調查.....一得





## 平和歟戰爭歟

政之

喧傳月餘之四省攻浙消息。近已由風傳而入於事實。商民請願和平之哀聲。與軍閥調兵運械之行動。紛載報端。互相輝映。呼號者僅憑空言。主戰者擁有實力。以漫無組織之虛聲。當然不足以動彼野心家之意志。則此文達於讀者眼簾之時。十三年未被兵役之江浙。或者已見兩軍之血肉相搏。亦未可知。是則平和兩字。甯非贅辭。雖然。戰爭乃一時之現象。和平為吾人永久所祈禱。吾人既厭惡戰爭。恐怖戰爭。則假令一時之戰爭終不可免。仍當進而謀永久和平之策。是則不佞此文。或猶有一瞥之價值乎。

夫好生惡死。人之恆情。今乃有迫吾民以不得不死者在。柰之何。吾民竟熟視而無睹。不能防制於平時。徒知臨渴掘井。事急呼天。庸復有濟。十三年以來。除江浙兩省外。各處被兵禍之地亦多矣。川湘粵桂之民。此三四年間困苦顛連於槍林彈雨之下。尤已習為日常之生活。彼其地之文化固不必低於江浙。其民之有生命財產。固不必異於江浙。然而同為國民。一方橫劫軍閥之蹂躪。以致子孤妻寡。田廬蕩然。一方則姑熙熙攘攘。苟且生息於軍閥壓迫之下。任彼橫行。曾未嘗為被害同胞稍張不平之義。亦未嘗為自身利害。作曲突徙薪之謀。馴至亂國殘民之徒。定川制湘。牽掣粵桂之計。既就。於是視綫一轉。機括微挑。東南半壁。雷聲轟然。習於苟安之商民。至是乃始倉皇哀鳴。奔走呼籲。猶不敢明斷是非。伸張正義。以渙發之民氣。弭戰禍於機先。徒以無是無非之言辭。委婉柔順之態度。仍

藉住居租界之保障。以順民之資格。與軍閥相周旋。希冀忠誠格天。或者挽回野心於萬一。庸知彼主動戰禍之野心家。一方面虛與委蛇。一方面則勒索款項。拉夫運兵。凡川湘粵桂之民所身受者。東南內地人民。淺假一一試嘗滋味。此無他。西南之人民對軍閥放任縱容之結果。而西南之人民受軍閥之害。今則東南人民對軍閥放任縱容之結果。當然亦應食其報。禍非自天。業由己作。吾願東南人士之遭受兵禍者。試為西南各省之人民設身處地。一加省察。當能大澈大悟。一變其平日冷淡國事之積習。稍稍為天下大局策劃久遠。則假令今日之戰果成。猶可使為中國國內最後之一戰。否則勝負循環。此仆彼起。浩劫茫茫。正未有已也。夫以永久和平之方法求和平。則戰爭或可避免。以苟且和平之方法弭戰爭。則和平終不可得。此乃理有固然。勢所必至者。中華民國乃以國民為主人翁。彼荷戈執槍之軍人。誰非吾人之公僕。今以主人翁放棄權利之故。公僕之軍人。乃如小兒弄杖。以全國主人翁之生命財產。供其個人夸大的理想自利的慾念之犧牲。為主人翁者。反哀號請願於此。曹謬妄的僕人之前。冀求片刻之安。天下事主客倒置。未有過於此事者。為今之計。為主人翁者。誠能澈底覺悟。奮然而起。收回主權。論罪定讞。則舉世紛擾之現狀。不崇朝而可完。蓋今之軍閥勢力。非有深遠之根據。與確定之實力。僅託庇於國民之放任。輿論之消沉。而得張牙舞爪。荼毒吾民。吾民誠能乘時度勢。辯是非。伸曲直。以主權為從違。據事實為判斷。則公道



昌明之日即軍閥失敗之時。苟非然者。軍閥雖伸絀無常。而國民之苦痛則一。吾民果愛和平而惡戰爭乎。共速投袂而起。自僕人手中收回主權。根據正義。下一裁決。則主人翁之聲威振。而後之公僕。不敢再有欺凌主

## 北京公債風潮之教訓

天生

昔年交易所在上海曾引起極大之紛擾。最近北京方面。因買賣公債。亦掀動軒然大波。金融界發生絕大恐慌。溯其起因。究竟係市面影響於公債。抑係公債影響於市面。兩者殆互為因果。蓋在八月十日以前。各項公債。價格平平。計六厘公債約在八十三元左右。七年長期約在七十一至七十三元之間。九六公債約在三十三至三十七元之間。八月十日以後。步步跌落。至八月二十日以後。則六厘約在六一至六三間。七長約在五

六至五七間。九六約在二八至二七間。十日之間。每百元相差至十元二十元之鉅。蓋有兩種原因。一因於江浙戰謠。日漸緊迫。一若禍機爆發。即在目前。加以各省水災。銀根吃緊。市面動搖。公債價格。因而陡落。此則市面之影響於公債者也。一因於政府某機關方面。月前忽透露秘密之消息。謂六厘公債。即將抽籤。機關中之二等官吏。得此珍聞。視為至寶。暗中盡量進貨。議員中之做公債買賣者。又因比附於二等官僚之故。間接間信。亦努力買入。一般社會又鑒於議員官僚之競相長貨也。亦隨而投機附和。滿擬一旦抽籤。價格暴漲。準備面團團作富家翁矣。孰意抽籤消息。純屬子虛。及至覺察虛訛。急求退貨。而價格已隨之而落。加以江浙風鶴。各省饑饉。日無起色。小資本家以及小銀號之捲入旋渦。不知凡幾。因而人心惶惶。市面岌岌。儼焉若有不可終日之勢。此則又公債之影響於市面者也。迄於此。則市面愈緊。公債愈跌。市面愈緊。交相為因。交

人之舉。否則求永久之和平固屬夢想。即苟且之安全。亦寧有希望。彼猶惡之戰魔。將永遠為祟於吾人之生活。吾人其奈之何。

相為果。遂致演成金融恐慌之現象。而今總算賬既屆。焦頭爛額。賠累不堪者。盡屬自詡為消息靈通。秘密獨得之二等官吏。與國會議員。以及盲從附和。妄冀意外之一般小民。而操縱營利之大資本家。與特殊階級。則方踞最高之巔。而撫掌竊笑於其旁也。

北京之公債風潮。實無異於大資本家與小資本家之決鬥。特殊階級與普通小民之競賽。簡言之。即為富人殺窮漢。官僚欺平民。而兩者之同為賭徒。則又毫無二致。吾人於賭徒之間。無論其誰勝誰輸。均不值為左右袒之表示。所當懲前毖後者。則為根本上取締賭博。是原來公債之制。無國無之。在外國足以收流通金融儲蓄民富之利。在中國則一切良法美意。無不為作惡造孽之資。公債之於中國。適足為投機賭博之用者。意亦猶是。而其所以致此者。則由於外國公債。信用確立。中國公債。担保不足。然中國各項公債。固有因其担保基金及利息等之不同。而發生價格上之殊異。至於每種公債自身之行市。決不應時漲時落。而生過大之差率。例如六厘行市為八三。九六行市為三三。此固由於其各種條件之不同。猶可說也。而何以六厘行市有時為八三。有時為六三。九六行市有時為三三。有時為二七。此則無理由之昇降。不可原也。推究其故。無非由於當局者辦理之不公。開蓋各種公債之抽籤還本。須於三個月前。預先公佈。果能如是。則社會對之。既有相當之信用。公債何能保持其價格之平衡。



而投機操縱之事。自無從發生。今乃當局者對於此等事件。異常秘密。致公債信用。消長盈虛。於社會謠傳捕風捉影之中。甚至主管人員。視付息還本消息。為獨得之秘。明知不久即將還本。猶故意放出惡劣空氣。使公債跌落。未幾而實行抽籤。公債暴漲。此中流弊。何可言喻。是則欲根本取締賭博者。此等處又豈容忽略放鬆。

吾人設更進而追求一步。政府當局果何為不肯公開辦理乎。此則又根本上涉及當局者之他位問題。蓋無論何國。凡為財政當局。或主管司員者。例不得兼營銀行業務。及其他公債賣買事項。蓋所以杜朋比為奸之

弊也。今在我國。凡為財政當局及其主管司員者。幾無不以能勾結內外銀行團。跑腿於東西交民巷。為其勝任之必要條件。而當局者及財部司員之賣買公債。揜拳揜袖於賭博場中者。初不復憶其自身處於政府之地位。而中某報謂當局者之下廝走卒。盡成富翁。豈盡虛語。夫人情無不欲利用其現有之地位。以求逞於賭賽之場合。則當局者之不能公開辦理。且不能無所利用其接近之消息者。亦固其所。然則國人對於公債風潮。而果能痛心疾首。不使此次教訓。徒為虛過。則根本改革之道。當知所從矣。

## 各國之富力

據紐約某公司之調查歐洲大戰交戰國之富力現計約美金六千一百九十億元比較戰前減少一百十億分別計算約如下表(以美金十億元為單位)

國別	現在	戰前	增減
美國	二三〇	二〇〇	增三〇
大英帝國	一四九	一四〇	增九
法國	六〇	六〇	
德國	五五	八〇	減二五
其他各國	六一九	六三〇	減一一

以各國人口與富力比較計算美國平均每人得美金二千〇九十元大英帝國每一人民得美金一千四百八十九元如與殖民地人民合計則每人得美金千四十六元法國每人得美金千四百八十四元德國最少每人不過美金九百〇一元云



# 東南風雲實錄

蘇浙京洛面面觀

戰爭平和雙運動

東南風雲。在此一週間。愈逼愈緊。今就各方面情形。擇於最爲確實可信者彙紀於次。後有論史者得以覽焉。

▲江浙當道之表示 四省圖浙消息。本已久見報載。其初一般人猶以謠言目之。自八月十八日南京軍事會議結果。爲甯蘇士紳所聞。乃由蘇紳張一麐君等於十九日電政蘇齊質詢真相。其文云。南京齊督軍崇鑒。上年蘇浙和平公約。承公與諸當局俯采輿論。垂諸盟府。東南人民。食和平之福者。已期年矣。一塵以霖。炎培量才。代表任務。雖已告竣。而同人頌禱和平之心理。始終不忘。以年來外交之棘手。金融之枯竭。天災之可畏。伏莽之潛滋。如公之明。斷無佳兵淪盟之理。乃近日報章披露。人心惶惶。似確有徵調輸運之事實。一塵等固曾經一度之奔走。尤屬責備難逃。應請公明白示覆。以息謠言。而維市面。或有不得已之故。亦應責成兩省與聞公約之人。告以理由。俾得排解。不效。則將原草公約者不職之罪。宣布周知。以謝桑梓。即公亦有以自解於人民。除由浙人士逕詢浙當局外。迫切直陳。候大命。張一塵。黃以霖。沈恩孚。袁希濤。方還。錢崇固。黃炎培。史量才。陳陶遺。皓。齊於二十日復一電。完全否認。謂隊伍均駐原防。並無軍事動作云云。其文如下。江蘇省教育會轉張仲仁黃伯雨兩先生鑒。並請轉沈袁方錢黃史陳先生均鑒。皓電敬悉。諸公關懷時局。愛護桑梓。莊誦迴環。敬佩靡極。此間隊伍均駐原防。並無軍事動作。值此人心未靖。流言孔多。道路訛傳。詎堪置信。變元疆圉。忝領職在保安。耿耿夙懷。始終弗

記者

易尊電所示各節。變元不敏。竊不敢有所論列也。復佈惓款。諸希鑒察。齊變元。次日又對張第十八日之電。再覆一次。除開首皓電敬悉四字。改爲皓電謹悉外。措辭與二十日之電完全不同。並謂縱有戒備。實具苦心。蓋與二十日完全否認軍事動作之電文有別。其文如下。張仲仁黃伯雨先生並轉沈袁方錢黃史陳諸先生均鑒。皓電謹悉。蘇浙和平公約。本省始終遵守。自臧楊入浙。各方謠言紛乘。查公約第三條載明兩省以外客軍。如有侵入兩省或通過等情。當事之省負防止之責任等語。浙省不能防止。又收容之。於公約有否遵守。當有公論。鄙人默未發言。誠以一經責難。引起地方恐慌。惟鄙人迭次宣言。皆以保境安民爲職志。蘇浙壤地相接。設有意意外。境何以保。民何以安。縱有戒備。實具苦心。總之浙不犯蘇。蘇不犯浙。耿耿此心。始終無二。諸公仗義執言。盛意可感。并賜諒察。俾安人心。齊變元。簡印。二十一日浙紳高雲麟等會通電呼籲和平。蘇齊於二十二日復電亦有所表示。其文云。上海交涉署探送浙紳高白叔朱古徵陳瑤圖喻志詔沈冕士吳綱齋諸先生。並轉金吳盛程王徐杜呂諸先生均鑒。馬電誦悉。諸公愛護鄉邦。至深敬佩。四省謀浙。說從何來。希望和平。同此心理。破壞公約。咎有攸歸。浙不謀人。人孰犯浙。諸公愛浙。變亦愛蘇。保境安命。責無旁貸。敬掬鄙誠。尙祈亮察爲幸。齊變元。養印。此電蓋直否認四省謀浙之說矣。二十四日蘇紳黃以霖等倡劃爲緩衝地帶之議。蘇齊於二十五日電復表示可以容納。然二十六日戰雲。驟前加緊。茲錄該



電文如下。黃伯雨張仲仁並轉沈馬袁方錢黃史陳諸先生均鑒。敬電誦悉。上年江浙公約。兩省士紳奔走和平。議定兩省同時撤防。蘇則遵行。浙則至今失信。諸公躬預其事。常有公論。連日據報。臧楊西駐浙省徵調頻仍。警耗紛傳。人心惶懼。變元負保衛地方之責。嚴防轄境。敢有疏虞。諸公保障和平。擬定緩衝地線。兩省駐兵各離邊境若干里。如逾此線。即為戎首。名言正論。感佩同深。即希轉商浙方。迅予規定。俾資遵守。藉靖人心。變元分屬軍人。服從正義。重勞垂注。謹佈腹心。齊變元有印。以上為蘇齊直接之表示。其外有南京總商會於二十二日用一等官電致浙江。盧張兩長。於收容臧楊兩部。撤回駐蘇軍隊。有所論列。可視為蘇齊態度間接之表示。茲錄其文如下。杭州盧督辦張省長鈞鑒。江浙形勢日益緊張。其真因若何。外間無從揣測。而就事論事。究不得不

江 浙 兩 省 形 勢 詳 圖



以收容臧楊為雙方爭執之端。伏讀鈞座復盛徐諸紳電。其處置臧楊之苦心。敵會亦所深諒。然一按之和平公約第三條所規定。實不免有疏於防止之嫌。應請鈞座本迭次保境安民之宣言。對於臧楊軍隊。依約防止。以杜釁端。而免藉口。蘇浙本係一家。然既劃省分疆。則界限似亦不可不辨。貴省駐蘇軍隊。前此本屬相安。此次意見既生。似應撤回貴省境內。以免與蘇軍接觸。發生誤會。而蘇省軍隊。亦不准有一兵一卒向貴軍原駐地點填防。以確定緩衝之區域。如此庶真理明而謠言息。豈特蘇浙兩省永消兵禍。全國人民實拜厚賜矣。除另電敵省軍事當局守約勿渝外。冒威電陳。伏乞鈞示。南京總商會叩。以上為蘇齊表示之一班。至于浙江方面。則因上海銀行公會錢業公會。於二十及廿一兩日連電蘇浙兩方當局呼籲和平。謂錢莊三家被擠停業。公債一落千丈。恐金融牽動。大局不堪設想。而上海總商會亦於廿一日電致雙方呼籲。盧永祥張載陽兩



氏特於廿二日分別電復其文云。上海銀行公會錢業公會均鑒。馬電奉悉。號電迄未到。滬市緊迫。乃彼方軍事進行。具有事實。有以致之。當爲明達所洞察。永祥保增安民。職志所在。仍抱人不犯我。我不犯人之旨。始終不渝。尙希亮察。盧永祥。又上海總商會鑒。箇電悉。昨復馬電。諒達滬市緊迫。其因何屬。自有公論。永祥等保境安民。職志所在。仍抱人不犯我。我不犯人之旨。始終不渝。尙希亮察。盧永祥張載陽。此外又於廿三日電復浙紳高雲麟等電云。馬代電奉悉。甯人息事。本係素懷。今昔無間。乃彼方軍事進行。徵諸事實。已無可掩。孰爲之先。應有公論。永祥等保境安民。職責所在。亦不能不有所戒備。總之人不犯我。我不犯人。此旨始終如一。未敢或渝。掬誠奉覆。卽希察照。盧永祥張載陽。而廿四日覆南京總商會一等官電。於收容臧楊一節。有所剖釋。頗堪注意。其文云。南京總商會公鑒。接誦碼電。愛重和平。預防兵禍。具徵卓識。無任佩服。惟謂收容臧楊軍隊。爲雙方爭執之端。恐非真相。四省攻浙。陰謀日著。已成爲不可掩之事實。雖微臧楊。何患無詞。卽就事論事。亦與和平公約初無抵觸。查臧楊所部。原爲正式國軍。現經浙省收容。與向在境內其他之國軍。地位性質。無一不同。事理之常。毫無足怪。按諸來電。援據公約第三款。客軍侵入。或通過云云。認爲浙省此舉。不負防止之責任。因之以破壞公約。相資難。未免武斷。解釋公約條文。尤近附會。非永祥等所敢苟同也。臧楊入浙之動機。由於主持正義。始終一致。以主義相同之故。善意來歸。不得謂之侵入。一也。且浙省既加以收容。確定防地。量予給養。事經數月。人所盡知。地方既資其防衛。鄰封更無庸驚疑。尤不得謂之通過。二也。臧楊既願受編。指揮命令之權。完全操諸本省。與浙省原無主客對抗之形勢。亦別無第二主體之懸屬。此而謂之客軍。毋乃擬不於倫。三也。至於浙省處理此項

軍隊之初衷。前已於覆盛徐諸紳一電。言之詳矣。已荷貴會深諒。無庸更僕。至謂浙省駐蘇軍隊。應行撤回一節。既與和平公約無涉。尤不知貴會命意所在。誠恐引起誤會。徒滋糾紛。恕不詳及。特電奉復。卽希諒察。盧永祥張載陽。敬至二十四日。上海銀錢兩公會以戰機益迫。電請各撤回防。盧張於二十五日覆電。亦關重要。其文云。上海銀行公會錢業公會鑒。敬電悉。軍事進行。孰爲之先。既有公論。則安民必先保境。此間自不能不有所戒備。非有解決辦法。似未便責一方作單獨之表示也。卽希亮察。盧永祥張載陽。盧永祥又於廿七日復蘇浙紳士建議緩衝辦法。表示贊同。其文云。感代電悉。速定緩衝辦法。以維大局而定人心。永祥極端贊同。惟兩省防地。增兵與衆。肇自何方。務請注意查察。以爲根本速決。庶足以息爭端而昭公論。維持和平。諸君是賴。佇望深之。專此奉復。盧永祥。沁。以上足見浙方當道表示之一班也。

▲京洛實在之態度 此次東南之軒然大波。在一般人羣認爲蘇齊之主動。而南京傳來消息。則謂齊撫馮氏語人係出洛吳之主張。是以董康張一磨兩君曾聯名致電洛吳。電內有蘇浙風雲。無端突起。民心震恐。市面動搖。人禍天災。相因並至。第浙與蘇皖贛均有公約。惟閩獨無。若閩有所發難。無論所向何方。勢將牽動東南全局。涓涓不息。流成江河。舉國騷然。恐無完土。外人觀之。將視爲何等國耶。閩當局素欽仰我公。擬請密電孫督。對於鄰省。各保疆土。毋相侵越。昔管仲冠裳之會。不以兵車。東南各省設有小嫌。均可以使命往還。徐議解決。康慶等亦當謁誠排解。以紓公南顧之憂。而爲東南億兆生靈請命之語。同時江蘇省農會亦有電致洛吳。乞爲斡旋。由此等表示觀之。抑若主動在洛而甯爲被動者。是則洛陽與北京對於今茲大舉攻浙之事。究取若何之態度。實爲一大問題。據北



京政界所傳。政府對於攻浙。實未嘗有所主持。然內閣諸人雖不必與聞此事。而公府之軍事處實爲一部分發縱指示之機關。據八月二十五日申報北京特別通信載稱。本月初旬政府曾有一分致四省之電。對蘇則令勒兵界上以覘動靜。對閩則令其直接度嶺。處分臧楊。對贛對皖則亦令取守勢。並由中央指撥二百萬以供軍實。又由漢陽供給彈械。此項消息與前此上海所傳。軍事處有歌電（五日）分致四省之說。頗相吻合。足見軍事處實不失爲發號施令之地。

又據二十五日新聞報北京特別通信載稱。航空署致某部之密函中有『奉令。着速組織航空隊一隊。即日攜帶機具。前往南京練習等因。奉此。本署現組織就緒。請飭局代備車輛裝運。並請限於本月二十三日以前在清河站裝齊出發等語。此函甫於二十一日發出。而限期竟僅二日。可見情形緊急之一斑。此外某軍事機關。亦於昨日接到皖馬急電。謂有兵三旅。亟待運至浦口。請函交部飭局挂車代運等語。當係開甯聽齊指揮者。至於連日由滬經海道運津轉京再行分配師旅之軍火槍械等。尤爲絡繹於途。曾記有一批由鞏縣兵工廠運甯之砲彈。其數竟達二千萬發之鉅。尤令人可驚。』云云。由此可見軍事處與江浙戰事之關係。此外又據該通信府方派赴洛甯之專員。確已分別出發。赴洛者爲府衛隊總指揮使周夢賢。係於十九日下午乘京漢路附挂之包車動身。赴甯者爲曹



姪曹士傑係二十日乘津浦車動身。又訊廿五日曹傳見洛代表。囑促吳抽調兩旅援甯。由此可見府曹之態度。至洛吳態度。則傳者不一。以前各方盛傳吳爲攻浙計劃之主動人物。乃二十三日北京發出之新聞報告則力言洛吳態度忽變。謂吳已囑河南省長李濟臣電勸蘇齊。切勿操之過急。并命李出爲調和。（見二十六日新聞報北京通信）此項消息當係因南京盛傳洛吳主動攻浙。故亟宣布調停。以卸戎首之責。實則吳

蘇浙兄弟之省。而戰神乃光顧。無非爲兼佔慾念所驅使耳。

之真心。對盧固無好感。對齊又詎有誠意。申報北京通信員恤緯君通信有云「洛吳雖爲主動之一。然彼之軍隊絕不調動一人。其用心實對於東南。先置身局外。坐待兩方之敵而乘機以伸展勢力入長江下游耳。」此寥寥數語正可爲洛吳對江浙戰禍之心理寫照也。

▲軍隊調動之消息 江浙雙方之軍隊近一星期來。調動甚爲活躍。蘇軍自本月中旬即已紛紛出動。浙軍則自二十二日以後亦已分別佈防。二十六日由甯開滬之貨車全停。專運兵士往蘇州崑山。蘇方所最注意者爲宜興崑山等處。二十五夜駐鎮江之楊春普十九師全部已奉令出發宜興。二十五日晚駐揚州混成旅旅長黃振魁率部開抵常州。而駐甯之第四混成旅吳恒璜則於二十五日開赴蘇州。此外蘇軍中堅之陳調元所部之第五旅則自十九日陳由甯返徐後。即下令所部限期調徐。預備南下。至二十三日集中。二十四日



由徐州開四列車送兵赴浦。二十五日更開三列車。其第二旅二團于二十六日午一時全部開拔南下。第五旅二團于廿六夜出發。徐屬山豫軍接防。津浦兩段則概由保安隊負責保護。亦于二十五日集合。二十六日南京備專車八列。連陳部赴蘇錫等處。廿六日全夜由甯至蘇之兵車。不絕於途。大半開赴崑山。下車步行至青陽港等處。自陳部發動。而戰事乃益無可消弭。蘇齊亦有剋日赴鎮常督師之說。至於浙江方面。則原駐常山開化江山之邊防軍。已奉令西調。所遺防地。由第一師潘國綱接管。司令楊化昭于二十三日抵杭。自二十二日以後。錢塘江船盡被封用。運第一二兩師及大批子彈往衢州。軍隊運送甚忙。惟均在夜間。故市面尚爲安甯。此外則嘉興長興方面。佈防甚亟。而二十七日浙軍在嘉定南翔黃渡蘇軍在崑山青陽港間兩軍相距僅十八里。蓋已有一觸即發之勢。此外除江西消息尙覺沈寂外。安徽則皖南鎮守使王普所部已集中廣德。蕪湖一地。必要時將由客軍進駐。而號稱攻浙中堅之孫傳芳則先傳在九月一日赴延平者。突於二十五日午後五時離省赴延。二十六日抵水口。分三路入浙。(一)松溪政和。(二)崇安。(三)福鼎壽甯。共計兵力六混成旅五團。以盧香亭爲前敵總指揮。由延已陸續向浙邊開拔。沿途拉夫甚衆。其在陸軍以外。海軍方面亦頗活動。先是南京海軍。密派多人運動上海之海籌艦。經艦長許建廷察覺。二十一日午將與事之魚雷副何天宇正電官薛大璋等數人。解送領袖處究辦。經林建章訊明收押。鎗砲副蔣元俊事前先逃。已奉通令嚴緝。據聞此次之事。原係某要人密遣甘泉艦長黃忠環來滬。與海籌鎗砲副蔣元俊接洽。許以運動費十六萬元。並有交換條件。中元節日蔣元俊赴甯。謁某要人。先付定洋六千元。允其日內開甯事。因艦中未能一致。又爲許艦長建廷心腹某艦員所悉。密報一

切事遂敗露。聞蔣元俊即於是日午車潛逃赴寧。又該案嫌疑犯海籌軍需副何天宇正電官薛大璋。緝拘領袖處。派有衛兵看守。不許親友探望。林領袖諭俟蔣元俊獲到案。訊明判罪。聞尙有主事數人。現亦密令緝。更據海軍方面所得確報。海軍軍總司令杜錫珪。密令廈門之楊樹莊率領應瑞海容永健楚同楚觀各艦來滬。以助四省攻浙計劃。楊樹莊已乘應瑞于十八日晚入福州。集合各艦開滬。一方面杜錫珪又密令楚泰楚有楚謙江利各艦預備開滬。于二十五日在鎮江集中。會合閩各艦。謀搶吳淞砲臺。直達龍華。中國海軍。雖不足以言對外。然參加內爭。則無役不占相當重要地位也。

▲和平運動之種種 四省攻浙之議。發動已有兩三個月。其初人皆認爲報紙調言。不甚注意。自十八日南京開軍事緊急會議。方引動蘇人士之恐慌。除由張一麐等發表皓表質問蘇齊外。浙紳盛竹書蘇紳黃以霖等仍從事和平運動。黃等曾于二十四日電齊云。南京齊督軍鑒。得箇二電誦悉。公既開誠見示。則蘇浙兩省洞達事理之人。皆已了然於癥結之所在。惟兩方正各謀自衛。即彼此已不免猜防。爲貫徹和平宗旨計。亟宜確定緩衝地線。兩省駐兵。各離邊境若干里。以爲脫離之地耳。以蘇浙人民公意。促當局互遵公約。永釋前嫌。請公顧念時局之艱難。金融之緊迫。先行表示採納。一面由浙人士向盧督辦爲同式之請求。兩方各不越雷池一步。如逾此線。即爲戎首。掬誠續達。伫盼福音。黃以霖張一麐沈恩孚馬士杰袁希濤方還錢崇固黃炎培史量才陳陶遺敬。此電齊已表示容納。乃公推浙紳盛竹書等赴杭謁盧。據盛君等二十七日來電亦表示好意。實則兩方部隊接觸即在瞬息之間。當局雖口頭和平。究亦光無故實耳。自和平運動發生。各方表示文電頗多。言中有物。尤以上海全浙公會



二十四五日兩電報及浙紳王廷揚等通電爲透澈。全浙公會電南京商會云。南京總商會鑒。報載貴會致和平聯合會漾電。披讀之餘。無任欽佩。此次江浙爭端。非爲臧楊問題。盡人皆知。貴會洞見癥結之所在。主張蘇省所駐浙軍。撤回浙防。能將貴省當局所難言之隱。一語道破。尤爲痛快。透關。但和平公約。蘇浙滬三方當局共同簽訂。今使上海一方撤去軍隊。既非持平之道。且非澈底之圖。江浙轄境毗連。不獨上海一隅。兩省如有軍隊。何時不可調動。何地不可接觸。是故欲謀蘇浙之永久和平。應請貴會聯合各團體。籲請貴省軍事當局。率領所部。離去蘇皖。一面由敝省人民公請盧督辦。貫徹廢督之初衷。實行裁兵。如此則江浙兩省。既無軍隊。自可永弭兵戎。貴會既以謀永久和平爲己任。想不河漢斯言。倘蒙採納。敝會當隨貴會之後。以盡奔走和平之責也。上海全浙公會敬。又通電云。旅滬浙江各同鄉會。杭州總商會。省教育會。省農會。律師公會。各團體並轉全浙諸父老均鑒。自以省攻浙之說甚囂塵上。以公債充紙幣之準備金者。首起恐慌。紛紛備現。洋厘暴漲。銀根奇緊。市面受絕大影響。諸父老鑒於兵凶戰危。不可輕試。奔走呼號。冀消弭於無形。無如軍事行動。反日趨於緊急。大有箭在弦上之勢。方今兵權實力。在彼掌握之中。果可恣其所欲。尙復奚所顧惜。破壞和平。蓄志已非一日。臧楊問題。不過一時藉口。去年江浙公約。所以幸著成效者。實緣其內部尙有牽制。豈真弭兵悔禍之徵。時事瞬變。今昔不同。以現時之狀況。決非口頭文字所能登當局之聽。同人等揆情度勢。似應於呼籲和平外。進一步研究辦法。爲有力之羣衆運動。庶全浙有永安之日。大局無紛擾之虞。直追急起。是在諸公。謹布區區。伏候明誨。上海全浙公會。有至浙江耆紳王廷揚等二十五日通電云。閱浙江旅甯學會甯垣浙江協會南京浙商公會馬電。顯係假造名義。

煽動戰機。決非愛好和平之江浙人民所忍出諸其口。深恐杯蛇市虎。惑聽聞。用敢辨別是非。以告有衆。去冬並無臧楊之事。卽有圖浙之謠。以是有和平之約。今臧楊入浙。事隔數月。本無非分之舉動。忽來事後之責言。讒人罔極。交亂二國。幾欲借和平之約。爲釀亂之媒。實非始料所及。臧楊爲合法政府所任之軍職。統率國家軍隊。鎮守閩疆。歷歲以來。有功無過。孤軍遠戍。橫被摧殘。曲直是非。自有公論。二君不忍以中原子弟。委諸鋒鏑之中。全師而退。患難相依。生死與共。間關千重。鷄犬不驚。義烈英風。可歌可泣。當時以爲若不擾我浙境。亦必遺禍鄰封。我軍民當局。熟計萬全。開誠相與。主賓和協。翕然受編。斯時二君所部。猶餘萬人。使於飢疲顛沛之餘。馳入贛皖空虛之地。不知贛皖當局。何以處此。於人民亦何利焉。此則可告無罪於天下者也。如謂窮蹙國軍。未妨肆行剿絕。匪惟國法所不許。抑亦天道所不容。非不仁嗜殺者。決不忍出此不祥之言也。玉帥抱攬轡澄清之志。閩粵川湘。指揮若定。必不願以一隅之纖芥。引起全局之糾紛。撫師坐鎮白門。綰轂南北。名位已盛。勛業方隆。方今蒙疆日亟。吳越同舟。豈其遽忘袍澤之情。自啓蕭牆之釁。撫帥明達。當不其然。頃閱南京總商會漾電。則問題已不在臧楊而在淞滬。查淞滬一隅。自袁馮柄國。久爲特區。非浙人所能過問。惟不能以國軍前定駐地。與省之疆界區域。并爲一談。此則稍具常識者所共了解。民國以來。較之清末軍額。增加十倍。當歐洲慶戰之中。未聞建一議。出一兵。坐視青島唾拾於他人之手。雖婦人女子。猶知引爲大慚。惟是手足相殘。直如天地不共。乃知軍隊之無用。匪特佳兵之不祥。意欲廢除軍隊名目。鑄劍作器。化兵爲農。庶泯疆界之爭。永息戰爭之禍。近日凡屬商人。莫不感軍事之苦痛。獨南京商會既能諒解臧楊之事。又欲引起淞滬之爭。若必欲發起戰爭。以爲快。人心不同。



一至於此。伏望兩省當局。勿墮陰謀。翻然變計。重尋舊好。捐棄微嫌。斯則我江浙人民所共馨香禱祝者也。如必逞其私忿。肆其凶殘。則其欲望諸公衛國。而適以厲民。我江浙人民計惟勸緩白挺。共圖自衛之方。盈野盈城。至死無二。惟諸公實圖利之云云。除其之外。旅滬皖人余誠格李經義等于二十一日曾有一電請馬聯甲宣布運兵真意。雖迄未得復。然而清議所在。自有注意價值。因並錄之。電云。安慶馬督理台鑒。連日紛傳四省攻浙市廛搖惑。人心不安。查上年江浙皖贛和平公約。我公蓋印簽名。似不至食言滅信。奈青生靈。惟近接蕪湖來信。鎮使租用小輪。運兵赴宣城一帶。星夜進江。陸續不已。似此行動。皖之加入。無可諱言。現在皖中皖北盜風日熾。伏莽潛生。兵去匪來。六安可鑒。軍力以靖地方。尙虞不足。何暇供人指使。即如廣德駐有兵隊。並未議撤。現時浙邊無事。何用添兵。致疑挑釁。況時方收穫。農事已殷。何堪供億轉輸。日滋擾累。誠格等上年和平公約。既忝與聞。桑梓震驚。不無顧慮。尙祈止除徵調。力踐和平。明白宣示。以靖人心。而息謠詠。無任屏營。旅滬皖人余誠格李經芳等叩簡。

▲上海輿論之一班 上海輿論界對於戰事。當然持反對態度。未嘗加以鼓吹。惟有數家報紙。頗有露骨之議論。如二十五日中華新報論評。題爲「何謂輿論」。其文云。自江浙事起。上海各大法團。莫不哀懇求和。論者遂曰。此輿論也。軍閥應勿背輿論也。雖然若是者。即足爲輿論乎。輿論者簡言之。爲人民對於國事抒公誠之意見。而熱心求達之之謂也。是以必爲聰明正直有血有淚有智識有責任心之主張。而非模糊苟且之言也。然觀近事。第哀懇勿戰。而毫無主張。對於巡閱督辦。皆歌功頌德。求之不已。然巡閱有何根據。督辦是何由來。禍源何在。弭戰何方。則全不問也。國家因何而有軍閥對峙。江浙因何而瀕於戰事。國事之是非何在。國民之

責任安盡。亦皆不顧也。若是者可謂輿論乎。社會之常言曰。輿論無力。或曰。軍閥不重輿論。吾意不然。蓋中國所患爲無輿論。苟有輿論。則處置一切軍閥。如摧枯拉朽。而況江浙之事哉。號稱社會中堅者。不以國事爲己任。一旦禍遇燃眉。僅求暫時之一片藏身乾淨土。此軍閥所以猖狂。抑江浙所以必戰也。輿論云乎哉。又該報廿六日論評題爲「論戰局」。其文云。江浙戰事。已在弦上。一觸即發。今已非戰不戰之問題。乃何時戰如何戰之問題矣。今姑先由軍事上以判斷其形勢之推移焉。曰第一前提。在是否僅爲江浙間之戰。抑直系與反直系之戰。易言之。其僅爲蘇齊奪浙之戰乎。抑爲直系武力統一主義之一大段落乎。必先知此而後勝敗可論。吾人最近詳加觀察。認此役爲全直系對浙之戰。易言之。即打破反直系之一大計畫。不得僅以蘇浙戰事目之也。吳齊不一致。及蘇軍不一致之說。皆有根據。然不一致者。內部之利害也。其一致者。武力統一與擴張地盤也。且就事實察之。齊果不得洛陽之助。必不敢動。而浙江果下。則廣東危。奉天孤。就洛吳政策論。其利甚大。故吳齊不一致之說。不能重視也。蘇軍誠複雜。齊之威望。誠不足統率。然而吳果助齊。則蘇軍之反齊者。必不能抗。故蘇軍不一致之說。亦不足重視也。浙軍士氣。盛於江蘇。使僅爲蘇浙之戰。浙將獲勝。然使蘇有後援。而浙爲孤立。則浙無勝算矣。易言之。一方爲全直系。一方爲一浙軍。則浙軍不能保矣。然則直系甚堅且強乎。曰是不然。其脆殊甚。洛吳之力。且大遜於前年。第直系之弱。斷不能並一浙軍而不及耳。是以簡單言之。今茲之役。直系與反直系之大戰也。直之勝算。在浙孤。浙之勝算。在其他反直系爲之援。夫反直系之最有力者。奉天也。洛吳所最忌。則不能不防者。亦奉天也。是以雙方勝敗之關鍵。實在於奉軍。易言之。反直系全體奮鬪。則結果將至於倒曹。奉天事實上旁觀。



則結果將促成洛吳之武力統一。全局變化。在此一點矣。又二十五日商報論評題爲「緩衝地與撤兵」其文云。各方面運動和平。函電紛馳。不勝紀載。措詞雖卑亢各殊。都徒大託空言。無裨實際。惟昨日蘇紳黃以霖等之請畫緩衝地。與銀錢兩公會之請撤回軍隊。比較的爲有具體計畫者。亦似爲容易做到者。不可謂非深具苦心者也。雖然此兩種辦法果澈底否乎。緩衝地爲防止國與國間之戰爭而設。江浙非敵國。欲於其間畫一緩衝地。毋乃擬於不倫。如謂但求戰禍之消弭。不必斷斷於名目。則果有一方踰越此緩衝地者。又何人能制止之懲罰之。且浙介乎曰省之間。蘇浙可緩衝。而皖贛閩仍可借端圖浙。蘇則安矣。浙將奈何。此大可商榷者也。至於將兩省近調動軍隊。各各撤回原防。即使辦到。亦祇能緩和一時。不足以防維永久。去年江浙風雲。不曾以兩軍撤回原防而緩和乎。如其有效。何以未及一年。又以尋釁相告。且此事爲五省問題。非僅僅江蘇問題。蘇浙軍撤而皖贛閩軍不撤。仍無解於浙之危局。此又大可商榷者。

## 江浙備戰中之金融市場

▲自十四日至二十七日二週間之情況

蘇皖贛閩四省攻浙之說。傳之已久。至本月十四日而江浙備戰之謠始愈熾。夫江浙備戰。即令成爲事實。與川湘閩粵之戰。曾何以異。即持以與曩日直皖奉直之役相較。又有何異。顧國人之所以重視江浙備戰者。不獨以其爲直系與反直系勢力消長之關鍵。誠以江浙爲財富之區。全國精華之所集。而上海又爲第一商埠。操全國金融之樞紐。使江浙一旦開火。不獨江浙糜爛。而金融恐慌勢必牽髮而動全身。其影響於全國之市場。決非細故也。

也。故以上兩種辦法幸而成功。亦僅能暫時彌縫。要非根本解決之道也。同日民國日報亦有一論評題爲「爲黃以霖君等通電進一解」。其文云。黃以霖君等致蘇浙當局一電。其戰事的不可免。顯然現於紙上。否則爲什麼要求劃出緩衝地呢。不過緩衝兩字。在國際間是有的。蘇浙同爲中國領土。加不上緩衝字樣。如認雙方爲國而戰。人民應辨其曲直。以定從違。如認雙方爲私人而戰。人民亦應有正常制裁。豈能效他國人口吻。提議什麼緩衝。或謂黃君等此種主張。明知戰禍已不可避免。無非欲免全局糜爛。所以定緩衝地。而着眼之點。尤在上海。殊不知此次戰禍爆發。牽動者不止蘇浙兩省。即以兩省而論。情同手足。何分彼此。誰能指定何處應受戰禍呢。黃君等素負蘇省人望。此次奔走和平。尤爲盡力。我江蘇人民頗望其有澈底主張。一洗從前消沉的暮氣。既不願其主張緩衝。更不願其對各地人民有所厚薄。以上各論評均能道著要點。足有留備後日參考之價值也。

## 公展

自十四日戰謠初盛。以迄備戰風聲最緊之二十七日。此二週間。金融市場已顯一度之混亂。公債狂跌。銀根奇緊。交易停滯。市面衰頹。開向所未有之局。京滬兩地風潮最著。而其他如南京、杭州、漢口、天津、奉天等處。亦無一不被其影響。中間商界竭力維持。形勢漸趨緩和。而雙方備戰既急。則市場之危險時期要不得謂之過去也。茲姑掇集風潮之經過。分節略述於下。

## 北京方面



▲公債暴跌 近數月來。北京方面公債之投機買賣。日盛一日。官僚議員以及銀行經理。無不孳孳於此。財閥官僚。互為利用。操縱市價。希圖漁利。於是久失信用之公債。還本付息。往往愆期者。竟日趨漲風。向日每百祇有七十餘元之金融公債。漲至九十元以外。四五十元之整六公債。漲至八十元以外。五十元左右之七年長期。漲至七十元以外。甚至於毫無基金之九六公債。亦自每百祇值十三四元之價格。步漲至四十元左右。試問有何理由而高漲如是。則在買者亦多瞠目結舌而不能對。有識之士。早知其狂漲之後必有暴跌矣。

適江浙備戰之風傳漸盛。於是人心頓虛。紛紛脫售。而少數大銀行又復從中倒把。十四日以後。公債市價。遂日趨跌勢。一星期間(至二十日止)。多者跌去十八元外。如整六。是少者亦跌去七元左右。如九六。是買空方面。欠繳證券交易所證金至百餘萬元。人心惶惶。不可收拾。會上海證券交易所因市價暴跌。乃宣布亦於二十日下午同時停市。磋商善後辦法。

▲補救辦法 交易所既停市。與銀號經理會商善後。而經手買賣之銀號並無辦法。交易所乃議決二十一日起。僅上午交易。公債每萬元改保證金四百元。所有慎大。華僑。恆豐。協豐。祥順。義。永利。益中等七家欠繳證金之銀號。停止買賣。二十二日起。間日做期貨。並改用交易票。二十一日。銀行公會函財部。請迅將整理案內各公債基金數目。及本年關餘情形。



詳細宣布。同時電安格聯。請將關稅可撥基金實數。及預算年內情形。公開宣示。以安市面。二十二日復開會。討論救濟辦法。財部嗣據安格聯覆電。即覆銀行公會。保證關稅足敷年內應付各債利息。已將九月底金融債中鐵本金備足。尚餘一百四十萬。備還整六公債。然安格聯前此公布。謂七月份公債基金分文無存。今又謂足償本息。是否可恃。局外人尙難臆測也。

▲交割問題 北京之買空公債者。以議員居大多數。大戶各虧二三十萬不等。苦於證金難繳。而本月期貨交割。又在目前。乃發起金融維持會。勸人止繳證金。拒絕交割。甚至有囑令他人請願國會。修改交易所條例。呈請政府發封之說。雖未見諸事實。而拒絕交割。則固盡其能力。交易所原定本月二十五日交割。議員方面公推廖勁伯等四人。要求顏惠慶飭令各交易所展期至月底交割。顏允發部令矣。第為二十四日閣議所否決。

外人以廢械易中國之金錢而中國乃收買不己果何故耶

決農部令卒不得下。議員大憤。借金融維持會名義。向法院起訴。議依交易所法。治拋空倒把以應得之罪。交易所不為動。二十五日照常辦理交割。議員三十餘人。到所勸阻。經警察勸散。下午交割。有銀號八家。未結帳。議員散後。在金融維持會決定。虧折之款。不付各銀號。催財農部速定善後辦法。此真賴帳妙手也。

▲北京公債市價漲落表



種類	期別	十四日開盤價	二十日上午停市前收盤價	二十六日交割後收盤價	停市前跌價	交割後跌價
九六	現貨	三四・八〇	二七・七〇	二三・一〇	七・一〇	一一・七〇
金融	八月	九一・〇〇	七九・七〇	—	一一・三〇	—
又	九月	九二・二五	八〇・五〇	七四・七〇	一一・七五	一七・五五
整六	八月	八一・〇〇	六二・八〇	—	一八・二〇	—
又	九月	八一・三五	六六・〇〇	六一・〇〇	一五・三五	二〇・三五
七長	八月	七一・三〇	五六・五〇	—	一四・八〇	—
又	九月	七二・一〇	五九・三〇	—	一二・八〇	—

## 上海方面

▲公債暴跌 上海之公債市場。自十四日後。亦因跌風而大起騷動。至二十日上午停市止。一星期間。跌風最大者為整六公債。每百跌至十六元外。金融公債及七年長期亦各跌十二三元。九六公債以成本較小。跌價稍少。但以三十四五元之公債暴跌六元以外。亦幾跌去百分之二十。不可謂非驚人也。加以十九日有兩錢。倒閉。銀根驟緊。人心更慌。交易所遂宣布二十日下午起暫行停市。買方欠繳追證金達一百三十萬元之鉅。二十五日復行開市後。市價平穩。與停市前不相上下。然據二十七日之市價以觀。則各債又狂跌五六元之多。交易所因又停市。蓋二十五日戰事風傳益盛也。本月交割時。買方如無準備。或亦如京所之引起風潮。未可知矣。

▲金融恐慌 月來上海金融本屬寬綽。洋釐常在七錢一分左右。銀拆亦在二三錢之間。但十六日忽有劇變。洋釐高至七錢一分六厘半。銀拆高至四錢。識者早知金融市場之日趨危險矣。果也十九日有永春永利兩挑打錢莊突然倒閉。永春倒欠七八十萬。永利祇以字音相似被累。虧

欠約十餘萬。此事既出。軋現愈緊。銀行公會及錢業公會乃紛議維持金融辦法。顧一波未平。一波又起。至二十一日而又有雁劃莊裕豐及挑打莊慶豐隆裕三家繼續倒閉。慶豐隆裕各虧十餘萬。裕豐則虧欠一百餘萬。錢業公會乃議決往來介款。概用十天期本票。以免受軋。並商請銀行公會。拆票暫時轉期。北市九十餘家同行。一律互相聯絡。凡缺銀家頭。經董事查察帳目。無意外帳項。同行中概與通融。而銀行公會亦因錢莊擱淺。危及大局。特以決對於已經放出之款。確信莊家殷實可靠者。暫時不向收取。以資維持。社會人心。因得藉此稍形安定。二十二日。洋釐驟見鬆輓。各業亦漸復原狀。但二十五日。銀洋市面又復加緊。蓋戰謠又熾也。

▲各業影響 金融市場。既生破綻。各業交易。常然大受影響。客幫止裝止辦之聲。不絕於耳。(一)紗花狂跌。多頭忍痛了結者頗不乏人。客幫現貨交易寥若晨星。(二)正頭秋銷本有發動氣象。經此一番風潮。完全停頓。呢絨公會大盤紛紛跌價。(三)煤斤棧單交易大受打擊。煤號之資本淺薄者。多削盤出售。致大市為之牽動。(四)五金江浙一帶。客幫毫無交易。良以戰區所在。恐慌更甚。其他為甚。(五)絲市以金融關係。亦經一度之停滯。外洋雖有電報到滬。重行採辦。惟廠商不敢承拋。(六)茶市所受影響較少。然湖州平水來源已感缺乏。(七)麵粉買賣雙方。已失去對抗力。疲滯之人氣充滿於市場。期麥亦是同樣景象。(八)標金市價亦復趨跌。由二百七十六兩跌至二百七十兩進關。總之各業市況。無一不見減色。時局既日趨嚴重。銀根又緊而不鬆。轉瞬中秋節屆。各業照例作一結束。如江浙戰事竟而實現。則銀根再受一度之擠軋。亦未可知。而秋銷生意之恢復。亦難乎其難矣。

### ▲上海公債市價漲落表







料之獲得製品之銷售均不感何等困難。惟仰原料于他國而加工生產比之自國有無限之資源而生產者其爲不利。自係顯灼易見。是以爲日本發展計。除發達商工業之外。農業亦不可忽視。此於戰時之食物自給上亦有是要求也。依北吟氏意見。日本大陸政策之根本方針。應移日本

內地之陸軍置諸朝鮮滿洲。且爲節省計可使古代屯田制度復活。使兵習農。且與其使爲勞力多而利益少之水田工作。毋甯使其培植種洋芋。更于耕種之外。教以牧畜。退伍之後。除長男外。凡次子以下身分之兵士。悉令永遠居住滿蒙西比利亞等處。一以資日本人口過剩問題之解決。一以備日本與美國或其他國度有事之時。以移民爲中心。支配中國。而利用中國之物資以當之。凡移民惟于本國勢力圈內乃可爲之。否則爲棄民。若日本在大陸扶植勢力。則因中國人爲事大主義者。當與日本結經濟的軍事的同盟。而中日結合之基礎可以確立。一面日本更與俄國結澈底的親交。以作牽制英國參加美戰之準備。蓋因英以加拿大之關係上。不得不傾向美國。日本不可不與俄提携而注意及于印度。英若一

失印度。即令有新加坡海軍根據地。並能利用荷屬南洋之油田。已終非日本之敵。自不得不嚴守中立。同時日本對於美國自宜取親善之態度。使美國投資中國。加以開發。中美日間商業自益旺盛。而一朝若與美國有事。日本足使美國投入中國之資本。歸於無效。則美國亦自不敢輕與



此圖見於德國柏林某報。並附以諧語曰。美國大哥說。日本小兄弟。你幹嗎生氣吓。我是爲你好。照著你的主義。就是說「亞洲人是亞細亞洲人的」(意謂所以請你不必到美洲來。美洲是美洲人的)。

日本爲敵。由戰爭可使美國受損之顧慮。自可使美國對日出於平和之態度。如今日僅以信賴美國傳統的正義爲口頭禪。則真正親善終不可得。如于墨西哥有三四十萬之移民。睥睨美國背後。而滿蒙西比利亞有數百萬退伍軍人中心之移民。則美國對日不能爲輕舉妄動矣。云云。此北吟氏議論之要點也。

美方策有四法。(一)再提抗議。其內容如下。(1)關於日美通商條約。日本主張之點。應更爲明白之聲明。如美國回答不能滿意。則不得不破棄該約。(2)駁詰美國回答關於紳士條約之點。(3)所謂立法部之行為云云。應予駁斥。(4)關於移民問題。應從人口問題論及世界平和及人道問題。(5)對於歸化權問題。應明述日本之希望及主張。(6)在美



日人之待遇問題應爲積極的主張。(7)應指出因美國排日法之故。將來有任何事態發生于太平洋時。應全爲美國之責任云云。氏並謂時至今日若以條約廢棄之覺悟而力圖之。則問題之解決非不可能。惟在一「斷」字耳。(二)召集國際會議。謂提出抗議本不能了結一切。應進而召集國際會議。解決移民問題及人種問題。並宜在東京開會極力討議。下列根本問題。(1)人口稀薄之國由人口稠密之國移民。若以人種不同之理由相拒絕。在世界道德上及人道上是是否可以默爾而息。(2)因人種而決歸化權之許否是否合于人道。(3)因人種之不同而國法上爲差別待遇是否有悖現代人道的精神。惟此項會議難得美國之同意。又著者所自認者也。(三)以文章及演說喚起世界之輿論。謂美國加州之有決定的排日輿論。實言論機關爲之主動。日本亦應以口筆奮鬥。消極無爲。必將誘致亡國的狀態。政府之無爲究爲國民自身無爲無力之反映也。(四)訴諸平和的報復手段。即鼓吹排斥美貨。謂日本即不與美貿易亦不致亡國。(五)戰爭準備。謂日本任如何欲避免日美戰爭而此戰終有不能避免之虞。又據華盛頓會議四國協約第一條云。締約國約定相互尊重太平洋上之屬領嶼及關係領土諸權利。若締約國間因上記權利攸關之太平洋問題發生葛藤。且依外交方法不能得滿足之解決。以致兩者間有影響及於圓滿協調之虞時。當該締約國可招致他之締約國將問題全部付之公同會議。第二條云。若前記諸權利因外國之挑戰的行動而受脅迫時。締約國可相互的爲充分而無隔閡之協議。以期

商洽聯合的或個別的處理其特殊狀態之最有效處置辦法。此所謂相互爲充分而無隔閡之協議。以期得最有效處置之商洽云者。實即必要之時會。可以採共同的軍事行動之意。特以外交式辭令。粉飾之而已。上記之外國即第三國之義。實言之。即此約之締結。爲備日本耳。因是之故。日美如果開戰。日本不可不有並與英國開戰之覺悟。蓋依照協約。英國固有助美之義務也。然而日本於此有可自慰者。即印度問題是也。日美戰爭之動機爲人種之戰。是以日美戰爭勃發則印度人之同情于日本。自無待論。英國如果參加美國。則彼等對於日本之同情自更熾烈。而印度之叛亂。實爲英國之致命的大問題。故現在在英國實有盡力設法勿使日美戰爭發生之必要。而英國痛感此項必要之程度。又隨今後英國國力恢復速度之遲速爲衡。此等形勢。實日本大有可乘。而爲使英國益感日本與印度間關係之可懼計。日本應亟與俄國攜手以備一朝有事之可以經西比利亞而得輸送若干將卒與武器于印度。夫親俄以制印度。又即所以制英美。故救日本之運命者實爲隣接印度之俄國。此日本人所不可忘者也。豫想日美戰爭而爲日本所最憂慮者爲日本經濟的境遇。其實此事祇須從中國市場將美國品驅逐即不必多事悲觀。至日美戰爭上特別可爲日人之慰藉者。爲日本不必遠征美國。祇須掌握東洋方面之制海權爲已足是也。在日本近海。如僅與美國一國之海軍對手。則斷無敗戰之憂。所懼者英海軍之參加美戰。故無論如何日本有牽制英國之必要也云云。此片倉藤次郎議論之要點也。

## 俄國財政金融改進之成績

記者

蘇俄自新經濟政策實施以來。企業運動益見勃興。國內資源。漸次開發。

蘇維埃政府施政七年。基礎漸固。國情亦稍稍進于安定。財政狀況。遂頓



見良好。歲入不足之數漸次減少。自去年十月至本年九月中。一年間之收支預算與勢年比較。即可知此種趨前。茲列表比較如左。(以百萬金盧布爲單位)

歲入	二二·四年度	二二·三年度	增(減用◎記號)
第一期	一·七一·四	一·三四五·〇	三六六·四
第二期	四七六·一	二五六·七	二一九·五
第三期	四一二·三	二八七·八	一二四·五

幣銀之出新國俄



歲出	二二·四年度	二二·三年度	增(減用◎記號)
第一期	二·〇九五·〇	一·九〇七·八	一八七·二
第二期	五八四·一	三八〇·七	二〇三·四
第三期	四九三·九	四二二·一	七一·八
第四期	四八四·六	五三六·二	五十一·六

第四期	五三二·四	五六八·八	◎ 三六·四
第一期	三八三·六	五六二·八	◎ 一七九·二
第二期	一〇七·九	一二四·〇	一六·一
第三期	八一·六	一三四·三	五二·七
第四期	九七·五	一四七·六	五〇·一
第四期	九六·六	一五六·九	六〇·三

歲入不敷之數。雖猶未盡除。而其程度漸次減少。就右表已可爲證明。照此進行。自一九二五年至一九二六年。當有完全收支適合之望。收支不足之數。向用發行公債及增紙幣兩種。資填補。就一九二三·四年度。一九二二·三年度比較。列表如左。(以百萬金盧布爲單位)

	二二·四年度	二二·三年度	增(減用◎記號)
不足總額	三八三·六	五六二·八	◎ 一七九·二
公債填補	二〇三·六	一三六·〇	六七·六
紙幣填補	一八〇·〇	四一六·八	◎ 二四六·八

由此表首先令人感覺者。兩種之填補財源。在兩年之內。多寡之數。顛倒易位。即一九二二年至一九二三年度。填補總數之中。以增發紙幣。佔七成五分八厘。由公債填補者。僅佔二成四分二厘。一九二三年至一九二四年度。情形一變。公債加增。佔五成三分一厘。發行紙幣減至四成六分九厘。此種變化。實爲財政政策上進步之表徵。蓋增發紙幣。從來有內地經濟趨于混亂之弊。其發行額之減少。實爲勞農俄國可慶賀之事。一方面更代以公債。則政府信用漸形加厚。民間經濟。益見振興。其消化力亦愈形增加。由公債填補之額。在一九二三年至一九二四年度。爲二億三百六十萬金盧布。一九二二·三年度爲一億三千 百萬金盧



布。就此等公債之內容觀之。亦自有其變化。其前者為長期公債加增。短期公債減少。由此者以省略手續之繁。並可節省發行費用。蓋由短期公債變為長期公債。此乃公債政策之一進步。而勞農政府基礎之已臻堅

幣 銅 之 出 新 國 俄



實。亦可反證。若就一九三二一九二四年度發行之公債。考其比例。有如下表。(以千金盧布為單位)

金 額 百分率

短期公債	四〇・〇〇〇	一九・六
第一穀物公債	五・〇〇〇	二・四
第二穀物公債	一一・〇〇〇	五・四
砂糖公債	二四・〇〇〇	一一・七
交通委員會證券	一六三・六〇〇	八〇・四
長期公債	四五・〇〇〇	二二・一
第一有獎現金公債	五〇・〇〇〇	二四・五
第二有獎現金公債	二五・〇〇〇	一二・二
八厘現金公債	四三・六〇〇	二一・四
農業有獎公債	二〇三・六〇〇	一〇〇・〇
合 計	二〇三・六〇〇	一〇〇・〇

由觀上表。長期公債佔金額之八成四厘。短期僅合一成九分六厘。比較上一年兩者數目相等。蓋非常之進步也。

本年十月一日開始之一九二四年度預算。比較前年度收支不敷之數。更為減少。彌補之方。亦已預先更定。茲就預算表錄下。(以百萬金盧布為單位)

二四・五年度	二三・四年度	增(減用)記號
歲入 一・九八〇	一・七一一	二六八
歲出 二・一〇〇	二・〇九五	五
不足 一二〇	三八三	二六三

觀右表。歲出之數。雖較前年稍增。而租稅及國家事業收入等。均有增收之望。其不足之數。當由三億八千三百萬金盧布。減至一億二千萬金盧布。其填補方法。在一九二二・三年度多賴增發紙幣。一九二三・四年



度。多注重于發行公債。至次年度。大抵就發行新硬幣與公債政策一億二千萬金盧布之不敷數目中。以四千萬金盧布仰給于內債。其餘八千萬金盧布則以新發行之銀銅幣充之。在一九二二，三年度。以增發紙幣為填補歲計之惟一方法者。至一九二四，五年以降。完全取消紙幣之增發。明年度不用紙幣政策。而立新財政計劃。使堅牢之現幣。為填補歲計之用。使民間金融界歸于安定。國家之經濟亦可趨于隆盛之域。金融市場上。有蘇維埃盧布與堅洛納脫兩種紙幣。紙盧布因去年秋冬增發之結果。價值非常低落。政府已極力注意不使再發。故事實上紙盧布已成一種補助貨幣之觀。反之堅洛納脫則比較上流通之數。逐見增加。一月初二千八百萬者。至四月底增至三千三百八十萬。對於全部貨幣。此項堅洛納脫之比例。在本年初。已大五分之四。其後增加愈多。則比例數當亦增長也。

勞農政府于二月發出重要佈告。確立金融制度之根本政策。此法令內容大概。(一)國庫證券之發行。(二)國立儲蓄銀行之利息加增。(三)銀銅幣之新鑄造。(四)紙盧布之收回。(五)停止發行紙幣之聲明。自此以後。盧布之價格。未再大落。物價亦漸趨安定。根據此佈告所發行之國庫證券。出現於金融市場。其流通資格。概與現金相等。現在流通額數。已及堅洛納脫之半數。將來之繼續增高。蓋可預料。至於舊日之紙盧布。已全然停止印刷。行將相繼收回。但流通中之蘇維埃紙盧布。法律上本有強制通用之效力。無論何人不能拒絕使用。然至五月以後。法幣之地位。已失對於金盧布之兌換價格。三月十日。遂公定認一九二三年式之紙盧布五萬合一金盧布。新銀銅貨幣亦照佈告業已做行。其額面銀幣為一盧布。五十克備克二十克備克十五克備克五種。銅幣為五克備克三克

備克二克備克及一克備克四種。又佈告儲蓄存款利息改正。為三個月至六個月定期六分半。六個月以上七分半云。

## 中立區域

(心冷)

這幾天戰雲密布，風聲一天緊似一天。那班奔走和平的先生們，纔着起急來。今天也討論消弭戰禍，明天也討論時局問題。居然想出了一個方法。想將江浙兩省劃為國內永遠中立區域。我想這班和平家的話，不知道那些做着戰夢的軍閥，究竟聽得進聽不進？即使照着做，江浙固然不為戰事所累，那麼全中國十八省除了江浙兩省之外，打得落花流水，雞犬不留，也不干我們的事。這就是「各人只掃門前雪。不管他人瓦上霜。」咳！



# 國內外一週大事記

由八月二十一日至二十七日

(公展)

## (一) 國外之部

▲倫敦會議 倫敦會議之議定書其運命繫於法比德三國國會之通過與否。上週吾已言之。比國惟法之馬首是瞻。且據二十一日比京電。比首相所提出倫敦大會之報告書。已為比內閣所贊同。是國會通過大約可無問題。吾人所亟宜注意者。法與德耳。法國方面。二十一日總理赫里歐氏在衆院報告倫敦會議經過情形。略謂倫敦大會不過為趨向真正和平中第一幕。議定書表示實在担保與安全之起點。而為法國保障凡爾塞和約。苟拒絕此議定書。而採行單獨行動之政策。則後果將甚嚴重。法國如留守魯爾勢必絕對孤立。法政府利用種種機會。提出協約國債務問題。但債務之討論為一事。而道威斯計畫之實施又為一事。債務與安全兩問題。將於日後另開大會討論云云。是日反對黨有二種提議。(一)議定書俟審查委員會報告議定書中各計畫之審查結果後。再行討論。(二)議定書俟參院討論大赦案後。再行討論。其主張暫緩討論議定書固相同也。顧以赫氏及左翼諸黨反對之故。均遭否決。二十二日衆院開始辯論。二十三日集議全夜後。二十四日清晨。乃以三三六票對二〇四票通過信任政府案。此信任政府案之措詞如下。政府設法使倫敦議定書承認公斷原則。致談判者克以國際合作之廣大精神。獲取賠償問題

之和平解決。此種成功可為政府賀。尙望政府在未來協約國債務會議中及國際聯盟會中。進行其公正和平之事業。謀法國之安全與歐洲之恢復云云。二十五日赫氏在衆院答議員之詰問。謂道威斯計畫扼要之點。在協約國團結一致對德交涉之必要。及在許美國之參加。法國之承認公斷原則。法國無所犧牲。此後且可置其利益於法律保護之下。至於協約國債務問題。法專家會竭力闡發法國之見解。說明此種債務之特殊性質。安全問題繫於凡爾塞和約。而不繫於魯爾之佔領。倫敦議定書可使法國得實際利益。如第一批賠款八萬萬佛郎之繳付及政治上精神上種種利益是也云云。赫氏此言。其讓步以求和平之心。昭然若揭。左翼黨及多數中央黨表示歡迎。故多數通過向政府道賀之議案。且以二六三票對一五六票贊成將赫里歐此番言論公布於衆院之提議。是則法國之批准倫敦大會議定書。必在月內辦竣無疑也。德國方面。二十日各聯邦總理集議。聽取馬克斯氏倫敦會議之報告。旋決定以時間匆促。議定書內容一時未克詳悉。暫不能有何決議。在國會開始考慮為實施專家計畫所必要之法案以前。聯邦政府暫不下斷語。同日德政府在國會提出承認倫敦議定書之議案。要求准財政



法國大總統杜美克君

三票對一五六票贊成將赫里歐此番言論公布於衆院之提議。是則法國之批准倫敦大會議定書。必在月內辦竣無疑也。德國方面。二十日各聯邦總理集議。聽取馬克斯氏倫敦會議之報告。旋決定以時間匆促。議定書內容一時未克詳悉。暫不能有何決議。在國會開始考慮為實施專家計畫所必要之法案以前。聯邦政府暫不下斷語。同日德政府在國會提出承認倫敦議定書之議案。要求准財政

書承認公斷原則。致談判者克以國際合作之廣大精神。獲取賠償問題

下斷語。同日德政府在國會提出承認倫敦議定書之議案。要求准財政



籌募八萬萬金馬克大借款。並授權政府交出共值一百十萬萬金馬克國有鐵路股票及值五百萬萬馬克實業稅作債券之担保。二十二日國會開會。景象擾攘。共產黨要求立即討論該黨之動議。求立即解散國會。召集國民大會。討論道威斯計畫。德總理馬克斯甫發言。而秩序大亂。二十三日續議。馬克斯氏盛稱倫敦大會時英相之無偏袒。大會決議。固使德國擔負甚重。但較諸目前事態。確有進境。政府並不認此次解決為最後之解決。但將盡力以謀魯爾等處客軍之早退。國會現負極大責任。德國禍福。惟國會決議是賴云云。是日搗亂之共產黨議員施華士已退席。但馬克斯氏報告時。國民黨議員頻以意含譏刺之大笑阻撓之外。長史特萊斯曼乃以激昂之詞。指斥國民黨之行為。社會黨與中央黨表示歡迎。而共產黨與極端派國民黨則嗤之以鼻。二十五日繼續辯論。國民黨議員赫斯特稱。該黨不贊成此議定書。故關於此議定書之各案。國民黨將一概反對云云。但另一說。則謂國民黨中之穩健派頗有傾向政府之意。故本週道威斯計畫案。可望在國會得必要之多數。而倫敦議定

## (二) 國內之部

▲北京政局 此週以來。東南備戰形勢更緊。北京政局。當然絕少發展。二十二日衆院開會。祇議決修正省議會選舉法。未及其他。中立派議員雖擬有同意案調停辦法。(一)同意代閣兩案併列。(二)先議代閣案。付審查。同時投同意票。(三)新閣令發表時。另下撤消代閣令。但一方頗惠慶態度固消極。而另一方。則反對派之民治社四十二號議員二十五日晚會議。對行政委員會所提辦法。均不承認。決函覆該會。謂代閣不決。即不投同意票。若兩案並列。絕非調停誠意云云。同時且有推舉代表迎吳

書可於二十八日簽字。兩說未知孰是。要之。德國國會能否批准議定書。全視國民黨之態度為轉移。苟能順利通過。無論矣。設國民黨議員堅持。依據七月二十二日之決議。要求立即撤退魯爾軍隊。恢復德國鐵路。則必在國會投反對票。如此案果因此而被否決。則政府將立即解散國會。而舉辦等於國民大會之選舉。德國將引起一度政潮矣。

▲日俄會議 北京之日俄會議。自本月九日停頓後。十八日。以芳澤已得東京訓示。遂與加拉罕續開第六次會議。芳澤除將日本之態度主張一一解剖外。更專就利權問題。將日本提案上之意旨徹底說明。較之歷次所解析者。愈加深切。然各項問題。如(一)撤兵。(二)舊債。(三)損害賠償。(四)舊條約廢止等。雙方意見雖已漸趨接近。而此庫頁之利權問題。獨未見若何進展。乃決再向本國請示。二十一日起。續開會議。截至二十五日止。此最大難關之利權問題。仍然無法解決。形同擱淺。雖約定二十六日再議。然兩代表間。苟無何等新希望發生。則下次以後。惟有將利權問題。除而外。而就其他未確定案件。先行協議之一法矣。

景濂回京之說。其非一時可以解決。顯而易見。


▲財政狀況 北京政府所支配之七月份軍政費。計總數三百二十萬。內近畿軍警餉七成。計一百二十萬。各軍協餉一百萬。照鹽餘定案撥付。政費一百萬。府院部五成。有收入之部四成。蒙藏院平政院及閒散機關三成。旗餉優待費一成。早已通過閣議。查協餉鹽餘定案。府十二萬。洛二萬。馮軍十五萬。鄂甯閩各十萬。海軍餉四十萬。共一百二十七萬。因馮軍餉海軍餉減發。故合成一百萬。二十六日京訊。謂上月軍警餉七成二



十七日可發。惟政費以無款。尙須暫緩。至於此屆軍政費之來源。當然仍靠德款。蓋二十一日。匯理道勝兩行七月份鹽餘雖均放還。而匯理扣去慈幼院債息及補助費及中交等四行年節還款二十五萬二千餘元。道勝扣該行借款兩筆及撥還懋業美金借款等外。并無餘款。兩行僅放還兩張賬單而已。匯豐正金兩行除扣款外。亦僅放還十五萬。故軍政費非從德款着想不可。德款一層。據倫敦中央銀行電告。匯豐之十五萬鎊及道勝之八萬鎊。已由該行收入中交鹽金四行匯款賬上。財部覆請即日匯華。王克敏因即與中交鹽金四行磋商。將前墊之款緩還。即以第一次所收者發放軍政費。或即以先還前撥。則再向四行墊借一次。使銀行多得息金。四行已允。然嗣以金融緊急。四行欲以現款救濟市面。故政費不能如願。但軍警費則無論如何先墊。此所以有軍警餉先發而政費暫緩之決定也。

▲外交要案 (一)中俄會議。俄方仍主延宕二十日。顏惠慶訪加拉罕。代顧維鈞催開會議。未有結果。聞顧方曾派員商之加氏。先議中俄急需解決事件。但加氏仍婉謝。大概一時難望開幕也。至俄使館問題。芳澤既以代理領袖公使資格。照會加氏。允許交還。自可辦理接收。然近因芳澤照會中之附件。關於美國聲明並未承認蘇俄者。引起誤會。致交還使館亦遭停頓。蓋加氏退還芳澤照會附件。認為美國對俄仇視。並謂美現未承認蘇俄政府。本無可議。日使轉達美使館通告。不認蘇俄制度。則為失禮云云。英麻使於二十日回京。日使芳澤乃交卸代理領袖公使。推麻使接任。退還美使館通告附件之交涉。遂由英使辦理。先是美使館貝樂與

芳澤談及。貝樂謂美館向未與加氏公文往還。不肯接收所退照會。芳澤又持照會請加氏修改。加氏又不允。其困難可想。不知英使對此。將何以調處之。上海俄艦資遣費。蘇俄仍不允擔任。外部乃再電李家鑒。向蘇俄交涉。而齊燮元韓鈞則電請迅與加氏交涉俄艦資遣費。俾早結束此案。否則關係地方治安。該三艦及軍火應由海陸部保管云云。其用意蓋別有所在矣。(二)滬公廨案。領事團又有意見書送使團。陳述租界利害。



刑事案不宜華員獨裁。又滬外國律師團。舉代表見使團。亦居然反對外法兩部提案。使團因又觀望。外法兩部及法權討論會。乃開聯席會議。結果仍由外部催請交還云。(三)江浙問題。使團因重要各使大半不在京。尙無表示。惟非正式公推英麻使向外部質問。江浙有事。中政府有無保護外僑能力。并表示上海三十里內。不得作戰。滬甯路不得運兵。此外又擬調艦保護長江。各電本國政府請示。美將由菲島調。日將由佐世保調。英由南洋調。艘數船號。尙守秘密也。

▲粵省罷市。粵省政府與商人間。近因兩大交涉。未得適當之解決。引起全省商界之罷市。不可謂非不幸也。所謂兩大交涉者。(一)為全省商團組織聯防總部案。(二)為商團軍械被扣案。查粵省商團。成績為各省冠。頗能以實力自衛。自六月間議決聯防後。定於本月十三日為聯防總部成立之期。但省政府則於事前佈告禁止。謂此項改組事宜。未經政府核准。不能依法成立。商團要求無效。祇能改設籌備處。進行聯防事務。但十三日省城商界仍舉行總部成立慶祝典禮。此其與政府不洽一也。會於是時。商團向外國訂購軍械。十一



日運抵省河。即被省政府派艦監視。嗣又起運黃埔軍官學校存儲。商團以事前購械。曾得軍政部執照為詞。紛請發還。絕無效果。據孫中山氏十九日派林直勉等答覆商團之詞。謂軍械中之一部。確由商團集資購買者。當可發還。至陳廉伯欲藉商團勢力。顛覆政府。定須嚴究云云。而省署亦隨下通緝陳氏命令。宣布謀亂證據。由此可知軍械後之內幕。實牽及政治問題。而風潮遂漸趨擴大矣。二十日。商團在佛山集議。力爭還械。不濟則出於罷市。與湘豫各軍。因紛紛調駐省城。防堵各處商團進省。二十



二日。省城商業維持會再請發械。同時佛山。順德。陳村。南海。石步。樂從等處均罷市。二十五日。廣州亦罷市。至其罷市之目的。則在要求三項。(一)無條件發還鎗械。(二)聯防總部照舊成立。(三)取消通緝聯防總副長陳廉伯。陳恭受。政府方面。除派軍隊力維秩序。並勸商店開市外。復由伍朝樞出任調停。伍氏於二十五日。提議辦法四條。(甲)商團通電。人有借商團名義。命令罷市。挑撥政府商民惡感。非多數團友意。商團自行查究。(二)省商團即推定副團長二人。及分團總十人任事。不得任人假商會

名義。(三)省商團改組。承認省署所頒民團統率處條例。(四)承認省商團另舉職員。但能否妥協。尚未可知也。

## 一星期來之上海寫真

(心冷)

▲車站堆積箱籠行李。每天在一萬件以上。

▲旅客出車站。車夫硬敲竹槓。

▲米店小夥計。大擺架子。

▲早晨賣報人。對主顧接應不暇。

▲大小旅館。宣告客滿。

▲洋價低落。窮人無處訴苦。

▲貪財者恨不早租房子。做投機生意。

▲電報局營業驟然發達。



# 北京宣布之新憲法評論

吳南如

## 四、政府形式之奇離

一國政府之形式。從行政與立法對待而言。可分為總統制與議會制。從府院對待而言。可分為總統制與內閣制。而內閣制與議會制。又異名而同物。故政府之形式。實不外總統制與議會內閣制而已。我國自民國成立。究為總統制或內閣制。紛淆莫定。時而總統專橫。則成為總統制。時而總理強項。則成為內閣制。國家政制之繫乎個人之強弱剛柔。以為變移也。久矣。去年北京憲法宣佈。宜可以對此有明確之規定矣。而乃系統凌亂。體制糅雜。依然莫定其為總統制或內閣制。毫無異於無憲法之時代也。

謂北京憲法為總統制乎。則總統制之要點不具。蓋凡為總統制者。第一。總統之產生。須由國民普選。而不應由國會選舉。所以示直接而國民負責。而不受間接制裁之意。第二。大總統發佈命令及文書。不必得國務員之副署。而可單銜令行。所以示總統直接負責。無須國務員緩衝之意。如美國憲法。總統制之精神。即寄於此二點。北京憲法既皆不具。當然為非總統制之明證。

謂北京憲法為內閣制乎。則內閣制之精神。又不全備。憲法第六十二條云。衆議院對於國務員得為不信任之決議。第九十四條云。國務總理之任命。須經衆議院之同意。第九十五條云。國務員贊襄大總統對於衆議院負責。同條第二項云。大總統所發命令及其他關係國務之文書。非經

國務員之副署。不生效力。凡此規定。似皆為責任內閣精神之所在矣。然英法責任內閣制。有兩要點。為我國憲法所缺者。一、組閣人物。類須為國會中多數黨之領袖。二、國務員之任期。以國會之信任與否為久暫。換言之。國務員非依國會之不信任。不能任意免職。此兩點。實為責任內閣制重要之保障。返觀北京新憲。議員不得兼任官吏。國務員亦包括在官吏之內。已有明文規定。而國務員之職任。既須受衆議院之不信任。復須受大總統之免職。實處於二重責任之下。依違於兩者之間。既欲事齊。復欲事楚。點者則如脂如韋。以保祿位。愚者則動輒得咎。無適而可。則所謂責任。從何負起。而責任內閣制精神。不幾破壞無餘耶。

故北京憲法。既非總統制。亦非內閣制。而其尤病者。則在亦為總統制。亦為內閣制。於是為之國務員者。地位發生困難矣。總統之對之也。有任意去留之權。議會之對之也。始之以同意權。惟國務總理為然。繼之以彈劾權。終之以不信任權。重重束縛。如繫縲紲。兩姑之間。難於為媳。竭盡其奴隸公僕之能事。而猶不能行一政。辦一事。甚至疏遠國會。則國會叢怨。週旋議員。則總統生疑。遠之如黎段之爭。近之如曹孫之隙。府院意見。莫不緣此而生。推原其故。無非此非驢非馬之政府形式。有以致之也。



# 十二年份全國新設公司一覽表

記者

▲已在農商部正式註冊之公司

年來我國工商日漸進步。各種企業亦隨發達。茲據本社特別調查。去年一年（十二年份）全國新創設之公司。曾經在農商部正式註冊者。共計六十餘家。事業類別。凡三十餘種。可見各種事業之發達。頗為平均。中間以銀行為最多。共佔九家。麵粉業次之。佔五家。輪船電燈公司又次之。各佔四家。資本則自最低五千元以至最高三百萬元。觀於此。可以見我國工商業之大概也。茲將調查所得。列表於後。倘有舛誤。幸希各該公司。加以指正。或有遺漏。亦望來函補充。為盼。本表尚未揭載農商公報。並以附註。記者識

商號	營業種類	資本	股東	無限責任	股東人	本店所在地	設立年月	註冊年月	註冊事由	註冊號數
裕華墾植股份有限公司	墾植	有限三百萬元	董事	陳公冶 劉石蓀 蔣賦蓀	均住上海	本店設江蘇東臺縣	民國十一年七月	民國十三年一月	設立	第九百號
居仁堂採木股份有限公司	採木	有限銀伍萬六千元	董事	蕭義精 戰義之 金家爵 盧同善 馬空古	均住琿春城裏	本店設琿春縣支店設汪清縣	民國十一年九月	民國十三年一月	設立	第九百〇一號



中日實業 股份有限 公司	通融 有限 日金	董事 閻鐘鳴 住延吉六道溝 史彰民 住農安縣靠山主 監察人 楊銘坤 住琿春城裏	總行設北京 本店設日本 東京市 分行設上海	民國三年 五月	十三年一 月	改正	股份有限 公司第九 百零二號
業種查辦及債應資通 企各調承票募金融	業種查辦及債應資通 企各調承票募金融	江藤豐二 均住日本東京 春田茂躬 均住日本東京 倉知鉄吉 高木陸郎 文 羣 呂 鈞 均住北京 楊疏城 袁乃寬	均住日本東京 均住日本東京 均住日本東京 均住日本東京 均住日本東京 均住日本東京	均住日本東京 均住日本東京 均住日本東京 均住日本東京 均住日本東京 均住日本東京	均住日本東京 均住日本東京 均住日本東京 均住日本東京 均住日本東京 均住日本東京	均住日本東京 均住日本東京 均住日本東京 均住日本東京 均住日本東京 均住日本東京	均住日本東京 均住日本東京 均住日本東京 均住日本東京 均住日本東京 均住日本東京
山左銀行 股份有限 公司	銀行 有限 一百 萬元	董 事 張立堂 朱文彬 張少卿 均住青島 王廷常 王渭濱	本店設青島 支店設上海 濟南 煙台	民國十一 年九月	民國十三 年一月	設立	九百零三 號



中華皮鞋 股份有限 公司	仿造 各式 皮鞋	有限	三萬 元	董 事 余立之 住濟南 袁述之 住天津 施才皋 住上海仁記路 郁季平 住上海南京路 席頌平 住上海漢口路 李飛卿 住上海仁記路 陳銘生 李象爵 均住上海天津路 黃組佩 監察人 陳蔚青 住上海愛文義路 胡象美 住上海愛多亞路	工廠設上海 阿拉白司脫 路	民國六年 八月	十三年一 月	設立	九百零四 號
中華電氣 製作所股 分有限公 司	製造 及販 賣電 氣需 要各 種機 械材 料及 其必 要之 附屬 營業	有 限	日金 一百 五十 萬元	董 事 祝書元 均住北京 宋 眞 均住北京 何元翰 均住北京 林志琇 荻野元太郎 均住東京市麴町區 上島清藏 八重洲町一丁目一 番地 高木陸郎 住東京市麴町區內幸 湊才次郎 住天津 監察人 肥後八次 住大阪市西區思貴島 關柏斌 南之町 楊疏城 均住北京 祝大春 住上海北蘇州路	本店設北京 南長街 支店設上海 福州路 工廠設上海 軍工路虬江 橋	民國十年 十一月	中華民國 十三年	設立	股分有限 第九百零 五號



慶長順同  
記斗店股  
份有限公  
司

經理 經理  
糧石 糧石  
代客 買賣  
倉庫 堆糧  
糧石 押金  
糧石 過斗

有限

銀十  
萬元

董 事

劉壬三

劉鶴齡

袁靜菴

李玉田

邢蔭山

監察人

劉子明

張紹明

均住天津

住高家莊

均住天津

大興實業  
銀行股份  
有限公司

實業  
銀行

有限

銀壹  
百萬元

董 事

楊孟龍

龐可靈

龐次淮

陳良卿

楊次安

楊調甫

劉勤圃

楊幼常

丁景陶

楊阜臣

趙李卿

監察人

吳達甫

周來賓

龐祝潮

楊葦杭

住常州

均住常熟縣

均住常熟縣

本店設天津  
北閣外西集  
沿河頭堡

民國十二  
年二月

民國十三  
年一月

設立

第九百零  
六號

本店設常熟  
縣南街周神  
廟弄

十一年四  
月

十三年二  
月

設立

九百零七  
號



公勤鐵廠 股份有限 公司	機製 大小 螺絲 元釘 各種 實業 機器 及修 理裝 配工 程	有限	銀拾 萬元	董 事 顧馨一 顧振民 丁仁德 李偉人 黃耕伯 華冠臣 程際雲 監察人 朱吟江 李仲斌 均住上海	本店設上海 美租界楊樹 浦路臨青路	民國十二 年十月	民國十三 年一月	設立	第九百零 八號
河南新安 煤鑛股份 有限公司	採煤	有限	銀一 百萬 元先 招銀 二十 五萬 元	董 事 袁紹明 住北京石駙馬大街 李 晉 住北京東單二條胡同 丁惟忠 住北京南半截胡同 王家驊 住北京崇文門外上三條 顧效曾 住河南開封大行宮後 周翊青 住北京北長街 張文瀚 住河南濟源縣 翟六吉 均住河南孟縣 宮蔭召 監察人 郭蔭青 住河南濟源縣 袁守善 住北京石駙馬大街	本廠設北京 崇文門外木 廠胡同 鑛廠設新安 縣城內	民國十年 九月	民國十三 年二月十 三日	設立	九百〇九 號
上海機製 冰糖股份 有限公司	機製 各種 冰糖	有限	銀二 萬元	董 事 陶秉鈞 顧克齋 均住上海	本店設上海 新永安街	民國十二 年九月	民國十三 年二月八 日	設立	九百十號



南華輪船 股份有限 公司					東萊銀行 股份有限 公司				
輪船 航業					銀行				
有限					有限				
銀六 十萬 元					銀三 百萬 元				
董 事 劉石蓀 劉少卿 劉港生 王伯羣 傅經堂 監察人 朱博泉 李述初 均住上海縣					董 事 成蘭圃 劉子山 呂月塘 劉文山 吳蔚如 于耀西 劉西山 均住青島 監察人 劉星山 顏矩亭 均住上海				
上海租界甯 波路					本店總行設 青島				
民國十二 年十二月 月					支店分行設 天津 濟南 大連 上海				
民國十二 年十二月 月					民國十二 年十一月 月				
十三年二 月					十三年三 月				
設立					設立				
九百十一 號					第九百十 二號				



江西捷安 輪船股份 有限公司	輪船 運送	有限	銀六 萬元	董 事 陳菡舟 蕭學銓 周宋丞 周勳卿 朱農庠 監察人 吳懷光 翁修之 均住南昌	本店設南昌 章江門外河 街 支店設樟樹 吉安贛縣	民國十二 年二月	十三年三 月十二日	設立	第九百十 三號
永亨銀行 股份有限 公司	商業 銀行	有限	銀五 十萬 元	董 事 施肇曾 李賢樹 朱得傳 劉燕翼 管祥麟 盧學溥 吳敬煜 柯鴻年 丁乃揚 監察人 邵義瑩 徐 鋈 均住上海 住北京 住南京 住法界 住江蘇	本行設上海	民國十二 年三月	民國十三 年三月	設立	第九百十 四號

(未完)



# 美國新移民法全文 (續)

▲四月十八日通過國會

▲五月念六日總統批准

▲七月一日實行

## 免除資格之維持

第十五節 以本案第三節之第(二)(三)(四)(五)(六)諸條款所規定免為移民資格。或以本案第四節「戊」項所規定無定額移民資格入美境之外人。依照法定時間及情形(包括遇必要時。得令第三節第(二)(三)(四)(五)(六)諸條所定諸種人等。依照法定數目及情形。繳納有充分擔保品之保證金。)擔保于其居美期滿。或有違反其入境資格時。即行出境。

## 非法載運之懲罰

第十六節 「甲」無論何人。包含載運公司。或任何船隻之船主。或船長。或代理人。或持船照者。或受委託者在內。從美境外之任何地點。(與美國接壤之外國地點不在內)以水道載運下列人等入美境者。皆為違法。(一)移民之無未滿期移民准照者。(二)有定額移民而持有無定額移民之移民准照者。「乙」如工務部長認為滿意時。遇有移民以上述情形載運來美者。得令載運該移民之人。或載運公司。或任何船隻之船主。或船長。或代理人。或持船照者。或受委託者。向該移民入境口岸之稅關征收員繳付每名移民一千元之罰金。此外更須繳納一批款項。等於該移民所原付之旅行費。自船票上所標明之起點以至終點。均包在內。此後批款項。繳納稅關徵收員之後。仍退還于該移

民。於此諸種款項未審定或償付以前。無一船隻得先被放行者。惟未審定此諸項款額之充分貯金或稅關徵收員所認可保單上之擔保品問題前。得先將船隻放行。「丙」上述之款項概不退回。惟如工務部長認為滿意信任。該載運之人。或公司。或任何船隻之船主。或船長。或代理人。或持船照者。或受委託者。於離開非美境之最後口岸前。確實不知。並不能以其合理的精密能力審知。(一)所載運之人為一移民。則設使其原罰款為該移民之無未滿期移民准照。該罰款可以退回。(二)所載運之人為一有定額移民。則設使其原罰款為該移民之持有無定額移民之移民准照。該罰款可以退回。

## 由接壤外國領土入境者

第十七節 移民總管官得工務部長允許後。得有權力與載運公司訂立關於載進及檢查由接壤外國領土或經過接壤外國領土來美外人之合同。於製訂關於載進及檢查自從或經過接壤外國領土請求入美境外人之條例及合同時。應慎免歧視行動。故意偏袒。載運欲入美境外人至該領土之載運公司。未照章及合同在該接壤領土口岸施行檢查之前。所有載運公司必須聲明遵守本案所定各條例。此諸條例。即使該外人被直接載運抵美國口岸。亦須適用。此節施行有效之後。無一外人(外人之前以合法手續入境。今從其暫時歸該領土



後返美境者。不在此例。能入美境。除非其能於抵美境時。證明其確由願遵本案條例之載運公司載運抵該領土者。或能證明於其未請求入美境前入該領土或居住該領土已達二年以上。

#### 未用之移民准照

第十八節 設一持有移民准照之任何國有定額移民。因移民律不能入境而被移撥回籍。或彼未於移民准照期滿前。請求入境。或又設使有任何國籍之外人。持有有定額移民之准照。被查出實非為有定額移民。則不得添發一移民准照於他一移民。

#### 外國水手

第十九節 外國水手之依照移民法律不能入美境。今從任何船隻由美國國外任何地點駛抵美口岸者。則除非為臨時醫藥。或依照工務部長所訂其他為該外人最後離去或放逐出境條例者。則無一人得登岸。

第二十節 「甲」設使由美國國外任何口岸抵美之任何船隻船主。或持船照者。或代理人。或受委托者或船長。於所抵口岸移民官員未檢查（包函醫員檢查身體在內）該船所雇用任何水手以前。使其逃去。或於檢查以後。使之逃去。或於移民官員或工務部長所令移撥回籍之水手。未能遵行。則每關於此種水手一名。應向所抵口岸之稅關徵收員繳納罰金一千元。此種罰金未審定或未交付以前。船隻不得放行。惟此種罰款之充分貯金。或稅關徵收員所認可之保單上擔保品問題未審定前。船隻得先放行。「乙」由美國國外任何口岸抵美境之船隻。如其離境時證明有外國水手未離去。或經該船長報告逃去。則即為該船不能扣留或不能放逐移民官員或工務部長所令放行。

逐該外國水手之證據。「丙」如工務部長察知令一外國水手由所來原船移撥回籍。不能使其免於重大不適當之困難時。得令其改乘他船回籍。惟其船費須由原船支付。原船未將此費清付或其擔保品未得工務部長滿意認可前將不得放行。「丁」一千九百十七年移民案之三十二節作為取銷。惟於本案未施行有效之前。對於所有抵美之船隻及其船主。或代理人。或委托者。或船主。及其所有水手仍然有效。

#### 公文之製備

第二十一節 「甲」本案第十節所規定發給之准照應明印於穩妥紙張之上。其製備方法。依照本案所訂條例。「乙」管理公文總長官將下令印刷官員。依照工務部長所訂履行一千九百一十七年移民案第十二、十三、十四、及卅六節條例之格式。刷印多份報告船貨單及水手單之空白。收價出售之。

#### 關於公文之犯罪

第二十二節 「甲」無論何人（一）故意假冒、摹仿、更改、或偽造移民准照或照憑者。或（二）知其為假冒、摹仿、更改、或偽造。或知其為用虛假請求。或言語取得。或知其為用欺騙。或其他不法手段佔有之移民准照或憑照。而通行之。使用之。將欲使用之。藏有之。取得之。承認之。或領受之。又無論何人（除工務部長或其他適當官員外）故意（三）藏有空白准照等（四）雕刻、售賣、或攜帶來美、或收藏類似美政府所用印刷准照之圖版（五）依照移民准照之式樣印刷或攝影（六）藏有工務部長所探定印刷移民准照之特殊紙張。則經訊實之後。將處以一萬元以下之罰金或五年以下之監禁。或兩項懲罰並行。「乙」無論何人（一）當其請求發給移民准照或憑照。或請求入美境之時。冒充



他人或假用已死者之姓名。或用莫須有之名。希圖逃避移民法律者。或(二)出售。或請求出售。或用他法交與移民准照或憑照於任何未由法權准許領受此項公文之人。經訊實之後。將處以一萬元以下之罰金。五年以下之監禁。或兩項懲罰並行。(丙)無論何人於其所宣誓填寫之移民法律條例所規定之請求書。誓詞。或其他公文中。有偽詞。則於訊實之後。處以一千元以下之罰金。或五年以下之監禁。或兩項懲罰並行。

#### 證明之擔負

第二十三節 任何時任何外人欲入美境者。須擔負證明其確不隸屬於移民法律任何條例所規定不准入境者之例。於任何移撥出境案發生時。該外人須擔負證明彼曾合法入境。及其入境之時日地點及情狀。當該外人呈獻此種證據時。如有移民准照。應有取出此種移民准照。或關於其入境一切存貯於工務部文庫公文之權。

#### 規則及條例

第二十四節 移民總管官得工務部長認可。得擬訂關於履行本案各條例之規則及章程。惟此項規則章程中之有關於外交領事官執行者。由工務部長推薦外交部長擬訂之。

#### 本案為移民法律外添設者

第二十五節 本案所訂各條例。係於移民法律外增設而非為代替之者。本案條例之履行。將為移民法律之一部分。所有移民法律中所訂懲罰及其他條例。非不適用。實仍適用。與本案各條例同時有效。外人之雖依照本案能入境。而為此案外移民法律之任何條例所禁阻者。不得入華境。外人之雖依照此案外移民法律能入境。而為本案之任

何條例所禁阻者。亦不得入美境。

#### 一九一七年通過案中之輪船罰款

第二十六節 一九一七年移民案第九節修正如下。「第九節無論何人。包括由外國接壤領土入美境路線之鐵路公司外之任何轉運公司。任何船之船主。船長。代理人。或受委託者。如由外國或美屬島嶼。載運染癘病。神經病。低程度之心力虛弱病。高程度之心力虛弱病。羊癩病。體力兼心力虛弱病。常年酒病。任何狀態之肺癆病。或其他可厭而危險之傳染病之任何外人入美境。皆為違法。如工務部長於登岸時查知如此載運來美之任何外人。染有上述諸種病症或殘疾中之任何種病症或殘疾。或于該時由精密之身體檢查查出。則該載運之人。或載運公司。或該船之船長。代理人。船主。或受委託者。於每犯本節條例一次。須向抵境口岸之稅關徵收員處。繳納罰款一千元。此外更須繳納一批款項。等于該外人所原付旅費。自船票上所標明之起點以至終點。均包在內。此後批款項。由稅關征收員退回于該外人。任何人載運至美國任何口岸。染有上方面特別述明諸種心力虛弱病外之心力虛弱病者。或有如本案第三節所述性質能妨碍工作生活之身體缺點者。亦為違法。如工務部長于其登岸時查出。如此載運來美之任何外人。有上述病症或弱點。或于該時由精密之身體檢查查出。則載運之人於每犯本節條例一次。應向抵境口岸之稅關徵收員處。繳納罰款二百五十元。此外更繳納一批款項。等于該外人所原付之旅費。自船票標明之起點以至終點。均包在內。此後批款項。由稅關征收員退回該外人。任何人載運本案第二節所規定因不識字不准入境之外人。或生產於本案第三節所指出亞洲一部分或其接近島嶼



之外人。入美國任何口岸。亦爲違法。如工務部長查認此種缺點能於該外人未離去外國口岸前。以合理的慎審查知。則載運之人。于每違犯本節條例一次。須向抵境口岸之稅關征收員處繳納罰金一千元。此外更繳納一批款項。等於該外人所原付之旅費。自船票上所標明之起點至終點均包在內。此後批款項。由稅關征收員退回該外人。一「設使有一罰款係依照本節所規定條例爲載運外人入美境而徵收者。又設使隨從該外人者。有依照本案第十八節最末項不能入境之另一外人。則受罰款之人。應向稅關征收員處。除去繳納原罰款外。應再繳一批款項。等於該隨從外人所付原旅費。自般票上所標明之起點至終點均包在內。此批款項由稅關征收員于移撥該隨從外人回籍時退還之。船隻於付罰款問題未審定。或罰款未交付前。不得放行。惟於此諸種罰款之充分貯金或稅關征收員所認可保單上之担保品等問題未審定前。船隻得先放行。又使載運公司所載入美境外人。屬于本案第二節所定例外。即免除受該節禁阻入境條例者。則本節所定條例。不得使載運公司繳納罰金。

第二十七節 一千九百十七年移民法律之第十節應修正如下。

「第十節〔甲〕各國人包含第二十三節所規定之鐵路路線外之一切載運公司船隻中之船主船長職員及代理人。及管理國際橋梁及收稅道路之人員等在內。載過一外人或供備載運一外人入美境之方法者。應有監視該外人不得於移民官員所指定登岸之時間及地點外之任何時間及地點登岸之義務。該人員等之不遵守上述條款者。即有犯罪處分。訊實之後。每犯罪一件。處以二百元以上一千元以下之罰金。或一年以下之監禁。或兩項懲罰同時並行。如依照工務部

長之意見。認懲罰此種人員。或任何船主、船長、職員、或代理人。爲事實上難辦到。或不便施行時。則該人員或船主船長職員代理人將受一千元之懲罰。此項罰款將由違背本節條例船主船長職員及代理人之船負責。當道得取押其財產。該船并將經適當法庭上之控訴。」

「〔乙〕證明外人未於移民官員所指定之時間及地點登岸。即將爲該外人於移民官員所指定之時間及地點外登入美境之強有力證據。」

#### 普通定義

第二十八節 用於本案例中「甲」「合衆國」名詞。用於地理上的意義時。指所有各省。亞緯士加及夏威夷領土。哥倫比亞。京兆區。包他里科。及化藍羣島。「大陸的合衆國」名詞。指所有各州及哥倫比亞。京兆區域。「乙」「外人」名詞。包括所有非合衆國土生或未入合衆國籍者。惟此定義不包括合衆國內之不納稅印第安種人。及在合衆國司法治下所有島嶼之公民在內。「丙」「不能依法有公民權的」名詞。用指下列法律所禁阻爲合衆國公民之人。立法部校正法典之二千一百六十九節。或一千八百八十二年五月六日美總統簽准名爲「執行關於華人條約中條款議案」之案中第十四節。或立法部校正法典之第一千九百九十六第一千九百九十七及第一千九百九十八所經修正各節。或一千九百十七年五月十八日美總統所簽准名爲「使總統有權臨時增加合衆國陸軍軍備議案」之案中經修正第二節。或一切關於修正或增補或代替以上各節法律之法律。丁「移民准照」名詞。指合衆國所依照本案例條例委派辦理本案所規定發給移民准照事務目的之領事或外交官。其在巴拿馬運河境內或



合衆國屬地內之島嶼。則「領事官」名詞。(除非其用於第二十四節。)指總統或其代表當道所委派辦理本案所規定發給移民准照事務目的之官員。「已」一千九百一十七年移民案」名詞。指一千九百一十七年二月十五日所訂議案名爲「取締入合衆國境之外國移民及居住於境內外人之議案」者。「庚」「移民法律」名詞。包括上述之議案及本案。及關於移民及禁阻或排斥外人之一切合衆國法律或條約等。「辛」「人」名詞。包括個人。合辦事業人。公司及會社等。「壬」「總管理」一名詞。指移民總管官。「癸」「請求入境書」名詞。指請求入美境。而非指請求發給移民准照。「子」「執照」名詞。指第十節所發給之執照。「丑」「未婚」名詞。指任何人於任何定時之未婚。不問其從前是否結婚。「寅」「子女」「父」及「母」諸名詞。不指義子或義父母。惟收養在一千二百九十四年一月一日以前者爲例外。「卯」「妻」及「夫」諸名詞。不包括以代理人或照片婚姻理由成婚之夫或妻。

#### 支用經費之特准

第二十九節 支用執行本案之充分經費。今經特准。

一千九百二十一年五月十九日案

第三十節 一千九百二十一年五月十九日總統所簽准及隨後經修正增補之議案。名爲「限制入合衆國移民議案」者。雖於一千九百二十四年六月三十日滿期。本案所訂關於徵取收集及執行罰款諸條例。仍繼續有效。任何外人於一千九百二十四年七月一日前違背該案或該案下所訂附屬章程入美境者。得該照案未滿期時同樣方法被移撥出境。

#### 有效時期

第三十一節 「甲」本案之第二第八第十三第十四第十五第十六諸節及第十一節之「已」項。將於一千九百二十四年之七月一日有效。惟移民准照及執照之發給。得早於此時。惟其生入美境効力。不能在一千九百二十四年七月一日以前。若爲任何國之有定額移民。則一千九百二十四年七月一日以前發給之移民准照數目。不得過於該國定額百分之十之。照上面發給之移民准照數目。必於一千九百二十四年七月所能發給數目中扣除。若移民准照之發給。在於一千九百二十四年七月一日以前。則本案第二節「丙」項所訂四個月時期。由一千九百二十四年七月一日算起。不從發給移民准照之日算起。「乙」本案其餘條例於制定爲法令之日有效。「丙」設使任何外人於一千九百二十四年七月一日前抵美境。則其入境權將不照本案條例定之。惟本案第二十三節爲例外。

#### 不合憲法性質發生時之條例保留

第三十二節 如有本案之任何條例。或其對於任何人或任何情形之應用。被宣佈爲不合法時。其餘各條例或對於其餘人或情形之應用。不因之受影響。



# 慈禧秘紀

(續)

清廷宮女口述  
馬二先生筆記

## 李蓮英之按摩術

皮條李之名。凡說慈禧太后者。當皆能知之。但所傳述之種種。殊非確實。

多出於附會。即如有謂李之淨身。乃由於幼時誤被野狗將勢咬去。因遂投身慎刑司。其實乃不然。蓋內監之爲狗咬勢。因而入宮者。固不乏其人。其最著者。則爲馬姓總管。馬之名。我已不記。爲光緒帝宮中之太監領袖。當時其權力勢位。亦與李差相彷彿。或因是而誤傳也。我在宮侍西佛爺久。於李知之頗詳。李之得佛爺恩寵。獨固。固由於語言便捷。巧於迎合意旨。而更有一事。爲外間人所不及知者。則李擅按摩之術。爲其同儕所不及。內監之習按摩者。初不乏人。亦常有被佛爺召喚者。惟其手法。或失之太輕。使人覺癢。或失之太重。使人作痛。因是而遭佛爺呵斥。或竟至杖責。亦比比也。惟李則無是。李之按摩。每日晨夕二次。晨間在四時後。或六時。李起身後。盥漱既畢。即逕入佛爺寢宮。榻前有織金赤絨毯一方。李端跪其上。不能啓帷。駕緩緩以右手入帷。從被角伸入。輕輕按摩。由上體而兩臂。兩腿。每肢部必按摩至三五十次不等。除私處及肋部外。皆一一拂拭。遍佛爺寢時。固着內衣。被按摩後。或醒來。即問「你來了嗎。」李必回奏「奴才早已來了。祖宗今天舒服嗎。」這



前清慈禧太后與光緒帝裕隆后並瑾妃之肖像

兩句是照例的問答。此後或由此閑談。或傳喚宮女。伺候佛爺起床。當佛爺臨政時。李按摩畢。如佛爺尚未醒。即悄然微呼曰「祖宗。天氣不早了。

諸王大臣已到齊了。請祖宗起來罷。」倘佛爺仍熟睡。李必繼續微呼。直至醒來爲止。至夕。佛爺就寢後。李必照例至寢宮問安。候召。依然跪絨毯上。先作絮談。徐即從事按摩。以佛爺睡去爲度。佛爺常朦朧時。李必悄然低稱「祖宗。奴才下去了。」如佛爺無聲。李即行三叩首退下。如佛爺曰「你下去罷。」則知尚未熟睡。依然須長跪伺候。不敢便退也。

## 李蓮英之說書說戲

按摩之頃。佛爺有時欲聽故事。則命李曰「今天你給我說書聽聽。」李即遵旨演述。大概不外五大奇書。聊齋誌異。小五義等等。宮內說書之太監。亦不止李一人。但李之說書。亦有特長。每日退值時。必先作預備工夫。故臨時演述。能妙緒環生。無少牽強。一日。佛爺謂李曰「你說古時人物。誰爲最有趣。」李奏稱趙雲。佛爺曰「僅是一員戰將。」李又奏岳飛。佛爺曰「此不過是大將而已。」李沉默久之。忽曰「有了。齊天大聖孫悟空。」佛爺拍手笑曰「虧得你猜。」立命賞銀一千兩。李於說書之外。兼爲佛爺說戲。故宮中傳戲。李常爲提調也。



慈禧探問李總管病狀

李蓮英被寵冠于儕輩。每日必蒙佛爺召喚。李偶然染病。佛爺亦必派人前往慰問。或派太醫前往診治。有一次。李大病。凡三日不能應召。佛爺忽於傍晚。微服減從。直臨李室。排闥而入。李親駕至。力疾下牀。九叩首稱罪。謝恩。佛爺命其就臥。撫問再三。內監相顧。詫爲異數。李一生大病。凡三次。而佛爺親臨慰問者。凡二次。李對於佛爺恩澤。亦極力體會。每病三日。無論如何。必勉力趨前謝恩。或再續假。又佛爺于李。雖有時呼名。然有時亦常稱之曰總管。曰老叔。聞之宮中前輩云。佛爺於滿漢諸大臣中。惟於大學士閻敬銘。曾呼以丹老而不名。則李之恩遇。亦可謂異乎尋常矣。

啞宮女

宮中有爲佛爺寵幸亞於李氏者。其姓名不傳。人以其啞不能言。則呼爲啞宮女。啞宮女。自十餘歲被選入宮。伺候佛爺。凡二十餘年。竟至不能須臾離駕。此又外間所不及知者。啞宮女。口不能言。而聰敏善悟。能先期承旨。以是獨蒙佛爺特賞。凡宮女之欲伺佛爺意旨者。必先以手勢詢之。啞宮女。啞宮女亦以手勢還告之。其所測度。百不失一。佛爺初亦未之重。嗣見啞宮女與人作手勢。詢故。人不敢隱。遂奏其故。佛爺召啞宮女試之。果然。於是啞宮女乃名滿宮中。恩寵冠絕一時。佛爺將有傳呼。往往詢之。啞宮女。即得一日。佛爺仰首向天空。移時不語。諸宮女私相猜度。以爲此必看天氣晴朗。或將巡幸頤和園也。詢諸啞宮女。伊乃搖首。又以手作握筆狀。衆曰。「然則佛爺要寫字嗎。」啞宮女又搖首。而以手作握筆狀。亂畫不已。衆曰。「莫非佛爺想畫畫嗎。」伊始點首。衆皆疑爲未必確。已而旨下。移駕畫軒。衆乃大驚服。又一日。佛爺方飲膳。啞宮女忽匆忙取紙書字。曰。佛爺將幸萬壽山。衆皆以爲是未必然。既而膳罷。果又傳乘轎矣。後來

宮中人有推解此二事者。謂望天見星月爭輝。引動丹青之念。膳時連食油素炒藕。是厭魚肉而思芟荷也。惟問之啞宮女。伊亦不示人以所以然。又伊對於傳呼宮中同伴。亦多有特別手式。小太監名玉和者。唇有一痣。亦佛爺之寵兒也。啞宮女傳呼時。則以一指指上唇。示其痣。如傳呼李蓮英。則又以二指牽其下唇。蓋李之下唇微向外捲也。啞宮女後被遣隨一還俗內監出宮去。迄今倘在者。亦必爲雞皮鶴髮之老嫗矣。

太醫因寵幸得禍

佛爺感念文宗顯皇帝之恩遇。每於暇時。聚宮女。爲說先皇事蹟。知其思念深矣。有一年。佛爺偶然不豫。召御醫診視。照宮中老例。凡后妃召醫。必由太醫院以單呈進。由硃筆點出。同時入診者。一人或二人。藥劑亦由御醫跪而煎之。惟間有常入診者。則不必俟太醫院開單。也是次被點出之御醫。名姚寶昇。直隸人。佛爺於診脈時。向之注視甚詳。翌日。又召之。自是連召至十餘日。時佛爺已不進藥矣。而召姚醫如故。召入。則與之絮談。並詢其身世。或閑話宮外朝市事。又未幾。佛爺乃命姚醫爲之代李蓮英講說故事。一時宮中上下。咸莫解其意。一夕。佛爺偶與一宮女閑話。忽問「你看姚寶昇像誰。」宮女不知所對。佛爺曰。「他有點像顯皇帝。惟腮際及鬚部略有不同。」於是大衆乃悟姚醫被召之由。後來此事被恭親王所知。和諸大臣密議。以爲此事關係不小。恐怕鬧出笑話。有傷佛爺盛德。遂傳太醫院正卿。說明原故。硬使具呈代報姚寶昇死狀。將姚革逐出京。這是同治年間的事。

(未完)



# 演劇術概論 (續)

徐公美

## 第三章 戲劇的起源及其在藝術上的

### 位置

讀過前兩章底朋友，許要急於知道戲劇的起源——因為在演劇術中不無關係——所以在此特地叙說一下，却不問是否在本論範圍以內。在古希臘時候，人民就有戲劇的起源，時人稱為「悲劇」，當初不過是由人民一種歌謠，以後至於歌劇。Aristoteles 以為希臘的起源始於Dithyrambos，那個時候，不過是當着 Dionysos 的祭日，市民假妝為 Satyroi 歌舞以歡娛神靈，其後一轉為歌隊，再轉為戲劇，就是希臘「喜劇」之發生，起初便是由於村社，大概因為要祈禱報賽的原故，村人便聚集一處互相歌舞，其實也不過是為着供奉神靈的作用罷了。可是在那時候，人類的思想和生活中，就受了無限的影響哩。

在我們中國上古的時候，戲劇也就有了萌芽，在古時巫覡之興，就是戲劇一點起源；那時因巫覡事神，必用歌舞，漸次也就影響於後世俳優歌舞之戲。但也僅僅是供奉鬼神底一種工具而已。我們現在既知道了戲劇的起源，就要帶談牠在藝術上的位置。

藝術的種類有九：(1)建築，(2)詩歌，(3)彫刻，(4)音樂，(5)繪畫，(6)跳舞，(7)文學，(8)悲劇，(9)喜劇——這是根據希臘的神話(The muse)說是有九個女神各司其職務呢。

由神話上看來戲劇是已經佔了兩種了。其餘的七種，如「詩歌」、「文學」，只能用文字表現出來，不識字的人們，是沒福享受的；「繪畫」

「建築」、「彫刻」雖是好看，但不能活動的；「跳舞」、「音樂」也不能使多數人底領會。——僅僅供貴族界或智識界之玩賞而已。

總而言之：各種藝術，能悅目的則不能動聽；能動聽的則不能悅目。說來透明一點吧，都是殘缺而不全的。然而戲劇呢？既能使人悅目，又能使人動聽，所以看戲的人，誰都可以感受別種藝術的趣味。

戲劇中所表現的無非是勸善懲惡，提倡公道，推翻強權，和鼓吹人類和平等等人生中最高尚的事體，所以戲劇實在是一種最淺顯，最直捷，而且最能深入人心的藝術教育啊。

## 第四章 戲劇的要素

劇本的本質包括一切人的行為——自然善的方面與惡的方面——然而劇本底本身，却並不是完全的。有了劇本，只能算是功成一半；其餘的還得由演者把劇本中所有的各種姿勢和各種聲調，在舞台上當着觀衆面前表現出來，這纔算大功告成哩。

紙上的劇本是死的，——雖然有許多人讀了紙上的劇本，便覺得一齣戲在自己的面前開演起來，像煞真在台上表現似的，但這總是一種幻覺罷了。——只能表一部份的意義，不能完全的。譬如劇本上寫一個「笑」字，而閱人的笑與窮人的笑不同，男子的笑與女子的笑不同，老人的笑與小兒的笑不同。至於如何笑法，那當然要由演者按照劇中人的身分，個性，去設身處地的推想；難道要編劇者於每個笑字之下畫一笑的形態嗎？這話當然是說不通的。

演劇人的責任，就是要把他精神和動作裝進死的文字中去因



此之故演劇人一定要明瞭所演這本戲的目的是什麼？假使演者自己沒有十分了解，那怎麼能叫看客領會牠的真意義呢！

演劇人既然明瞭了所演這本戲的目的，就要想法引起觀衆的興趣——就是要有駕馭羣衆心理的能力。但是演劇人的目的，並不是專以教人娛樂爲目的，這是不可不知道的。

有人說：『戲劇是娛樂人生的——是一種給青年最高娛樂的藝術。』不錯——是的——但是我們應當這麼說：『我們可以爲娛樂而求戲劇，但不能完全爲娛樂而纔有戲劇，因爲娛樂是自然生出來的結果，決不是演者所勉強做得到的呵。』

如果戲劇的目的，是專在娛樂一方面，那麼戲院經理只要多請幾個專教看客發笑的『丑角』——滑稽大家——得了，然而這不成其爲戲劇，自然更不配稱爲藝術了。

## 第五章 戲劇的教育

沒有演劇天才的人，自然不配到戲劇界裏來鬼混，但是光有天才而不肯承受教育——戲劇的教育底人也大可以不必。這怎麼說呢？因爲沒有受過教育（戲劇的種種訓練）的演劇人，是和未經琢磨的白玉一樣，決不能成爲大器的呢。

一般僞新劇家（文明戲子），他們模仿一種普通人（如流氓妓女乞丐等）可以說是二十四分的活像，但只是表面的形跡而不能與內心的表現相融合，雖極意模擬悲哀或是快樂的態度，然而終不能發揮劇中人應有的精神，這就是沒有受過戲劇教育的原故。

有許多人每誤會演劇人是天生成的而非人力所能爲的，不錯，演劇人當然半靠天才的，但有了天才（先天的）還得訓練（後天的）纔行！

我們要知道演劇人是和演說家，宗教家，法律家……一樣，都要受過一種特殊的教育哩。

鼎鼎大名的戲劇家雷尼爾曾在他著的一部戲劇教學法中說過：『劇場試驗，現在與以前是大不相同了！一般批評家給現代「綠室」（Green room）中許多怪誕的思想，』這種說法，簡直與前輩老先生的學說「背道而馳」了。從前他們以爲要造就一個演劇人，只消保養他本能的感情，就可以成功了。學校中的教育，反而要傷及他本能的感情，倒不如不入學校，許可以收成功的期望——這種主張，起初聽來似乎很有理由的，其實仔細思攷一下，則不但礙於富有經驗的演劇人的進步，並且對於初學的人，更足以造成絕大的危險——因爲要養成「誇大狂」而不肯用苦功了。

演劇人的本能，未必個個一定比別人強些，這是不用說明的。我們須知天才只能夠給人一種傾向，所以世間決沒有純靠天才而成爲藝術家的。像聲音，身段，容貌，感情……等等，只是天賦的，如果不肯領受相當的必要的「工具」和種種傳襲下來的「秘訣」，那麼他的本能，終於不能夠充分的發展，所以未經訓練的天賦，那是毫無價值的呵。

法國著名戲劇家莫里哀（Moliere）說過：『要想成功一種偉大的藝術，即使有極高尙的天才，也總得要加上些小小的智識纔好。』所以演劇人一定要受過戲劇的教育，換句話說，演劇人必須要有非常豐富的想像力——一種活潑潑的才能感到劇中人應有的感想。不然，便不能夠「體貼入微」和「恰到好處」了。演劇人果能感到劇中人應有的感想，那時舉動之自然，說話之如意，自不消說的了。

（未完）



上海中國影片之調查

(調查如有錯誤乞各公司指示改正為荷)

一得

(一)已製成之影片

名稱	卷數	出品者	出品年份	主演之人物
春香鬧學	—	商務印書館	八年	梅蘭芳
呆大捉賊	二本	全上		
呆婿祝壽	—	全上		
荒山得金	—	全上		
柴房女	—	全上	十一年	
清虛夢	—	全上	十二年	
孝婦羹	八本	全上	十二年	汪福慶
蓮花落	—	全上	十二年	
大義滅親	十本	全上	十三年	
好兄弟	十本	全上	十三年	張惠冲
閻瑞生	—	(未詳)	九年	
海誓	八本	上海影片公司	十年	殷明珠
頑童	一本	全上	十二年	但二春
古井重波記	—	全上	十二年	傅文豪
棄兒	十本	全上	十三年	但二春
紅粉骷髏	十二本	新亞影片公司	十一年	殷憲輔
卓別林遊滬記	三本	明星影片公司	十一年	西人某
大鬧怪戲場	三本	全上	十一年	鄭鷗鵠
勞工之愛情	三本	全上	十一年	鄭鷗鵠

國聞週報

張欣生	十本	全上	十二年	鄭正秋
孤兒救祖記	十本	全上	十三年	王漢倫
玉梨魂	十本	全上	十三年	王漢倫
苦兒弱女	十本	全上	十三年	王漢倫

此外尚有孽海潮一片。為外人所立之雷瑪司公司出品。故不列入。

(二)將製就之影片

名稱	出品者	公司名稱	主任人物	創立年份	地點
弟弟	上海影片公司	商務印書館	陳春生	八年	寶山路
採茶女	百合影片公司	明星影片公司	張石川	十年	霞飛路
人心	大中華影片公司	上海影片公司	但杜宇	十年	寶山路
俠義少年	新中華影片公司				
民國春秋	商務印書館				
松柏緣	全上				
畫中人	崑崙影片公司				
奢華之害	全上				
孝子成名	長城影畫公司				

(三)已成立之影片公司



新亞影片公司	殷貫嘯	十年	(消滅)	晨鐘影片公司	馬直山	十三年	愛而近路
百合影片公司	朱瘦菊	十三年	麥根路	菩薩影片公司	(未詳)	十三年	四川路
大中華影片公司	顧肯夫	十三年	白克路	寶塔影片公司	(未詳)	十三年	(未詳)
中華電影公司	曾煥堂	十三年	愛多亞路	大陸影片公司	張偉濤	十三年	(未詳)
崑崙影片公司	錢化佛	十三年	西藏路	神州影片公司	(未詳)	十三年	辛家花園
長城影畫公司	司徒堯	十三年	(未詳)	東東影片公司	(未詳)	十三年	白爾路

## 行星上究竟有人類居住麼

唐文炳

解決這個問題是極難的。許多人說：「火星同地球一樣。也有人居住在這裏。可是這些人生得和我們相差太遠了。」他們說這幾句話。並不是沒有根據。他們以為火星上的黑線。是人工開鑿的河道。所以火星上有人類。可以深信無疑。但是研究行星居民情形者司溫脫阿爾黑奴氏 (Svant Arhenius) 以為不然。他說。火星上決不有人類居住。地球上的平均溫度在攝氏十六度。他的赤道上的最高溫度。是平均攝氏二十七度。兩火星的平均溫度。計在冰點以下攝氏四十度。最高溫度大約攝氏八度。火星上的氣候是極乾燥的。因為空氣中缺乏養氣和水素的原故。日間溫度比較夜間溫度差得很大。所以有機生物萬不能生存了。他又說。世人所表明火星上的黑線。是人工開鑿的水道。乃是絕對誤了。所謂像水道一種東西。即很大的火山罅隙。在瑞典及東阿非利加也有。至於土、木、天王、及海王各星。是同太陽差不多。其不能有人類。便可證明了。水星是在太陽的一邊旋轉。對着太陽一面。就熱得不堪。背着太陽一面。又是冰冷。所以水星是人類的住所。更不成問題。那麼金星可有人類居住麼。司溫脫阿爾黑奴氏又發表了許多意見。但是他並沒有說到金星可不可以居住。從最新的考察看來。纔知道金星上的溫度在攝氏四十度。他的潮氣比較地球上大。但是經過他的很濃密而不含水分的大氣。一部分潮氣就被日暖吸收。在金星兩極上的溫度同在赤道地方相似。這樣看起來。在金星上或許有高等有機物生長了。